



增 4
515
15

前武林舊事

亦舊事序

杭郡地卑隘不可以國宋高宗南播樂其湖山之秀物產之美遂建都焉傳五帝享國百二十有餘年雖曰偏安其制度禮文猶足以彷彿東京之盛可恨者當時之君臣忘君父之讐而沉酣于湖山之樂竟使中原不復九廟爲墟數百



載之下讀此書者不能不爲之興歎書
凡六卷四水潛夫輯潛夫亦不知爲誰
其紀武林之事較他書爲備因命工刊
置郡庠俾博雅者有攷焉武林杭郡名
正德戊寅孟夏巡按浙江監察御史奉
天宋廷佐題

高寄齋訂正武林舊事卷之一

宋同名
泗水潛夫輯

繡水
沈德先
沈孚先校

慶壽冊寶

壽皇聖孝冠絕古今承顏兩宮以天下養一時
盛事莫大于慶壽之典今據錄大畧于此淳熙
三年光堯聖壽七十預于舊歲冬至加上兩宮

尊號立春日行慶壽禮至十三年太上八十正月元日再舉慶典其日文武百僚集大慶殿各服朝服用法駕五百三十四人大樂四十八架正樂一百八十八人及列儀仗鼓吹于殿門外上服通天冠絳紗袍執大圭恭行冊寶之禮鼓吹振作禮儀使已下皆導從上乘輦從至德壽宮俟太上升御座宮架樂作皇帝北向再拜奏起居致詞曰臣某稽首言伏惟聖號太上皇帝

陛下壽同天永德與日新典冊揚徽華夷賴慶左相宣答曰聖號太上皇帝聖旨皇帝迎陽展采縷牒榮親何幸吾身屢觀盛事次皇太子已下稱賀致詞宣答訖並再拜舞蹈禮畢次詣太上皇后殿行禮如前候解嚴訖皇帝入宮進奉禮物行家人禮御宴極歡自皇帝以至羣臣禁衛吏卒往來皆簪花後三日百官拜表稱賀于文德殿四方萬姓不遠千里快覩盛事都民垂

白之老喜極有至泣下者楊誠齋詩云長樂宮
前望翠華玉皇來賀太皇家青天白日仍飛雪
錯認東風轉柳花春色何須羯鼓催君王元日
領春回牡丹芍藥薔薇朶都向千官帽上開任
斯菴詩云金爵觚稜曉日開三朝喜氣一時回
聖人先御紅鸞扇天子龍輿萬騎來霜曉君王
出問安寶香隨輦護朝寒五雲深處三宮宴九
奏聲中二聖歡

四孟駕出

先期禁衛所閣門牒臨安府約束居民不許登
高及袂袒觀看男子並令衫帶婦人裙背仍先
一日封閉樓門取責知委不許容着來歷不明
之人殿步三司各撥統制將官軍兵六千二百
人擺齟諸巷大禮則
倍此數至日五鼓地分頭項沿門
驅逐雜人外儀衛節次如后

地分約攔

諸廂約攔

緝捕使臣

都轄官約攔 軍器庫從物 內藏庫從物

御酒庫從物 御厨從物 祇候庫從物

騏驥院御馬兩行 御藥院藥架 引從舍人兩行

諸司庫務官兩行 搜視行宮司 行宮殿門

控攏親從二百五十人 前驅親從兩行

各二十一人 贊喝舍人兩行各八人

天武兩行各八人居內 都下親從兩行各八人居內

駕頭閣門祇候乘騎捧駕 引主駕首兩行各五人

閣門提點兩行 御史臺知班兩行 尚書省錄事

密院副承旨 珠子御座 院馬御馬喝御座

閣門簿書兩行 宣贊舍人兩行 茶酒班

環衛官 帶御器械 攔前等

輦官人員 逍遙輦輦官十六人 御輦院官

閣門承受兩行 御燎子頭籠 翰林司官

御絲鞋所 御服所 御座馬兩行十匹

馬院總管 御軍器庫 睿思殿庫

閣子庫

閣門覺察官

兩行長入祇候行

各二十

茶酒班殿侍

各三十

快行親從

各三十

繫鞭

殿前指揮使

兩行各三十

茶酒班殿侍

兩行各六人

編排禁衛行子

三十一人于

等子人員十將

兩行各四

御龍直

人執從

知閣門事

乘馬行

步帥

乘馬行

親從方圍子

兩行各一

圍子兩邊各四重

第一重

下兩邊各

第二重

崇政殿圍子兩

第三重

御龍直兩邊

第四重

崇政

子兩邊各

水手并戲捕等子

兩邊各

攔前崇政殿親從

十七

殿帥

乘騎行圍

主管禁衛所

內等子

兩邊各二十

中道

第二日并恭謝教坊樂人迎駕念致

快行親從

兩邊各

麈芥拂子

水晶骨朶

香毬二

打燭快行

兩行駕回不用

編排官二

執燈籠親從

兩行各七十四人列至衆安橋

去燭駕回先行

行門

兩行各十二人

當食官

聽宣官

輦官人員

平輦

輦官二十六人

黃羅御繖二

黃羅御扇二

挾輦御藥

帶插外御帶

帶插閣下官

閣門覺察舍人

攔後圍子

挾輦指揮使

各二十一人

輦後樂

東西兩班各三十六人第一日不作

天武

兩行各八人居外

都下親從

兩行各八人

扇篋

挾輦內殿直

各二十二人

宰臣

使相

執政

宰執後約攔

親從

各二十二人

閣門覺察宣贊舍人

侍從後約攔親從

各二十二人

從駕臣僚分

東西班

東班係尚書侍郎兩制等官西班係正任宗室遥郡

車駕所經諸百官司皆結綵門迎駕起居俟

駕頭將至知班行門喝班到排立次唱躬身

拜再拜

駕回不拜 值雨免拜

班首奏聖躬萬福唱喏直

身立

齷巷軍兵 則呼萬歲

大禮

南郊 明堂

三歲一郊預于元日降詔以冬至有事于南郊

或用次年元日行事

明堂止于半年前降詔 用是歲季秋上辛日

先

于五六月內

擇日 命帥

漕及脩內司脩飾郊壇及絞

縛青城齋殿等屋凡數百間悉覆以葦席護以

青布并差官兵脩築泥路自太廟至泰禋門又

自嘉會門至麗正門計九里三百二十步

明堂 止自

太廟至 麗正門

皆以潮沙填築其平如席以便五輅之

往來每隊各有歌頭以綵旗為號唱和杵歌等

曲以相兩街居民各以綵段錢酒為犒又命象

院教象前導朱旗以二金三鼓為節各有幟頭

紫衣蠻奴乘之手執短鑣旋轉跪起悉如人意

市井因競市繪塑小象以饋遺四方又以車五

乘壓之以鐵多至萬斤與輅輕重適等以觀疾

徐傾側之勢至前一月進呈謂之閃試及駕出
前一日縛大綵屋于太廟前置輅其中許都人
觀瞻先自前一月以來次第按試習儀殆無虛
日郊前十日執事陪祀等官並受誓戒于尚書
省宗室赴太廟受誓戒前三日百官奏請皇帝致齋于大
慶殿是日上服通天冠絳紗袍結佩陞高座
侍中奏請降座就齋室次日車駕詣景靈宮服
衮冕行禮儀從並同四孟禮畢駕回就赴太廟齋殿宿

齋是夕四鼓上服衮冕請祖宗諸室行朝饗之
禮是夜鹵簿儀仗軍兵于御路兩傍分列間以
糝盆黃燭自太廟直至郊壇泰禋門輝映如晝
宰執親王貴家巨室列幕櫛比皆不遠千里不
憚重費預定于數月之前而至期猶有為有力
所奪者珠翠錦繡絢爛于二十里間雖寸地不
容閒也歌舞遊遨工藝百物輻輳爭售通宵駢
闐至五更則裸稍先驅所至皆滅燈火蓋清道

祓除之義黎明上御玉輅從以四輅金象革木導以

訓象千官百司法駕儀仗錦繡雜遶蓋十倍孟

饗之數聲容文物不可盡述次第出嘉會門至

青城宿齋明堂則徑入麗正門齋殿齋宿四壁皆三衙諸軍周

廬坐甲軍幕旌旗布列前後傳呼唱號列燭互

巡往來如織行宮至暮則嚴更警揚太廟齋宿亦然鼓

角轟振又有衛士十餘隊每隊十餘人互喝云

是與不是眾應曰是又喝曰是甚人眾應曰殿

前都指揮使某人謂之喝探至三鼓執事陪祀

官並入就黃壇排立萬燈輝耀絜若列星凡齮

燈皆自為誌號如捧俎官則畫一人為捧俎之

狀等類蓋燈多不容不以此辨認亦有好奇可

笑者用丑時一刻行事至期上服通天冠絳紗

袍乘輦至大次禮部侍郎奏中嚴外辯禮儀使

奏請皇帝行事上服衮冕步至小次升自午階

天步所臨皆藉以黃羅謂之黃道中貴一人以

大金合貯片腦迎前撒之禮儀使前導殿中監

進大圭至版位禮直官奏有司謹具請行事官架

樂作自此上進止皆樂作時壇壇內外凡數萬眾皆肅然無

譁天風時送佩環韶濩之音真如九天吹下也

太社令升煙燔牲首上先詣昊天位次皇地祇

次祖宗位奠玉祭酒讀冊文武二舞次亞終獻

行禮畢上詣飲福位爵飲福酒登歌樂作禮直官喝

賜胙次送神次望燎訖禮儀使奏禮畢上還大

次更衣乘輦還齋宮百僚進班賀禮成于端誠

殿黎明上乘大安輦從以五輅進發教坊排立

奏念致語口號訖樂作諸軍隊伍亦次第鼓吹

振作千乘萬騎如雲奔潮涌四方萬姓如鱗次

蟻聚迤邐入麗正門教坊排立再奏致語口號

舞畢降輦小憩以俟辯嚴登門肆赦并陽老人

有詩云黃道官羅瑞腦香袞龍升降佩鏘鏘大

安輦奏乾安曲萬點明星簇紫皇又曰萬騎雲

行代木書事 卷一

十

從簇錦圍內官排立馬如飛九重闔闔開清曉
太母登樓望駕歸李鶴田詩云嚴更頻報夜何
其萬甲聲傳遠近隨梔子燈前紅炯炯大安輦
上赴壇時

郊壇天盤至地高三丈二尺四寸通七十二
級分四成上廣七丈共十二階分三十六
龕午階闊一丈主上升降由此階其餘各
闊五尺

圓壇之上止設昊天上帝皇地祇二神位及
太祖太宗配天十六龕共祀五帝太一感
生北極北斗及分祀眾星三百六十位
儀仗用六千八百八十九人自大廟排列至
青城玉輅下祇應人共三百二十一人
呵喝人員二人 教馬官二人
挾捧輪將軍四人 推輪車子官健
八人 駕士班直二百三十二人

千牛衛將軍二員

抱太常龍旗官

六員

職掌五人

專知官一名

手分一名

庫子八人

裝掛匠二人

諸作工匠十五人

蓋覆儀鸞司

十一人

監官三員

金象革木輅每輅下一百五十六人

玉輅青飾

金輅黃飾

象輅紅飾

革輅淺色飾

木輅黑飾

輅下有人冠服並依輅色

玉輅前儀仗騎導

騎導官

左壁文臣

右壁武臣

六軍儀仗官兵二千二百三十二人

左右諸將軍十三員

中道五員左右八員

金吾街仗司

執褾稍八十人

捍將軍八員

仗下監門二十六員

鼓吹五百八

十三人

導駕樂人三百三十人

前正林舊事 卷一
登門肆赦

其日駕自文德殿詣麗正門御樓教坊作樂迎
導參軍色念致語雜劇色念口號至御幄降輦
門下閣門進中嚴外辯牌訖御藥唱捲簾上出
幄臨軒門下鳴鞭宮架奏曲簾捲扇開樂止撞
石五鐘黃繖纔出門下宰臣已下兩拜分班立
門上中書令稱有敕立金鷄門下侍郎應喏宣
奉敕立金鷄鷄竿一起門上仙鶴童子捧赦書

降下閣門接置案上太常寺擊鼓鼓止捧案至
樓前中心知閣稱宣付三省參政跪受捧制書
出班跪奏請付外施行門上中書令承旨宣曰
制可門下參政稱宣付三省遂以制書授宰臣
跪受訖閣門提點開拆授宣赦舍人捧詣宣制
位起居舍人一員摘句讀舍人稱有制宰臣已
下再拜俟讀至咸赦除之獄級奏脫枷訖罪囚
應喏三呼萬歲歌呼而出候宣赦訖門上舍人

贊樞密及中書令曲賀兩拜門下宣制舍人捧
制書授宰臣宰臣授刑部尚書尚書授刑房錄
事訖歸班兩拜致詞三舞蹈三扣頭知閣稱有
制宰臣已下再拜知閣宣答二云若時大慶
與卿等同之又
拜舞如前門上中書令奏禮畢扇合宮架樂作
簾降樂止撞左五鐘門下禮部郎中奏解嚴上
還幄次門下鳴鞭舍人唱奉敕放仗宰臣已下
再拜退次宣勞將士訖乘輦歸內至南宮門教

坊司迎駕念致語口號如前至文德殿降輦舞
畢退弁陽翁詩云換輦登門捲御簾侍中承制
舍人宣鳳書乍脫金鷄口一派歡聲下九天

金鷄竿長五丈五尺四面各百戲一人緣索

而上謂之捨金鷄先到者得利物呼萬歲

纈羅

襖子一領絹十疋
銀碗一隻重三兩諸州進奏院各有遞舖腰

鈴黃旗者數人俟宣赦訖即先發太平州萬
州壽春府取太平萬壽之語以次俱發鈴聲

滿道都人競觀

樓下排立次第

青龍白虎旗各一 信旗二

方圓罕畢二 方扇二 幢四

劍二 將軍二 僧眾居左

道眾居右 玉輅居中 大常宮架樂

宣赦臺 招拜紅旗 繫鼓

三院罪囚獄級居左 御馬六匹居

右 宜制位居中 橫門

快行 承旨 三省官已下

恭謝

大禮後擇日行恭謝禮第一日駕出如四孟儀
請景靈宮天興殿聖祖前行恭謝禮次請中殿
祖宗神御前行禮還齋殿進膳訖引宰臣已下
賜茶茶畢奏事訖還內

第二日上乘輦自後殿門出教坊都管已下于

祥曦殿南迎駕起居參軍色念致語雜劇色念
口號樂作駕後樂東西班則于和寧門外排立
後從作樂將至太一宮道士率眾執威儀于萬
壽觀前入圍子內迎駕起居作法事前導入太
一宮門降輦候班齊詣靈休殿參神次詣五福
十神太一次詣申佑殿本北辰殿通真殿佑順
福殿太后延壽殿極南火德殿禮畢宣宰臣已下
合赴坐宮並簪花對御賜宴上服幘頭紅上蓋

玉束帶不簪花教坊樂作前三多用盤盞後二
盞屈卮御筵畢百官侍衛吏卒等並賜簪花從
駕縷翠滴金各競華麗望之如錦繡衙前樂都
管已下三百人自新椿橋西中道排立迎駕念
致語口號如前樂動滿路花至殿門起壽同天
曲破舞畢退姜白石有詩云六軍文武浩如雲
花簇頭冠樣樣新惟有至尊渾不戴盡將春色
賜羣臣萬數簪花滿御街聖人先自景靈回不

知後面花多少但見紅雲冉冉來

是日皇后及內中車馬先

還宮中呼后為聖人

聖節

其日候宰執奏事訖追班上坐垂拱殿先引樞

密院并管軍官上壽

東京分為二日今只併為一日

禮畢再坐

紫宸殿上公已下分立候奏班齊上公詣御茶

牀前躬進御酒跪致詞云文武百僚臣某等稽

首言天基令節

聖節名逐朝換

臣等不勝大慶謹上千

萬歲壽下殿再拜樞密宣答云得公等壽酒與

公等內外同慶又再拜教坊樂作接盞訖跪起

舞蹈如儀閣門官喝不該赴坐官先退樞密喝

羣臣升殿閣門分引上公已下合赴坐官升殿

第一盞宣視盞送御酒歌板色唱祝堯齡賜百

官酒感築起舞三臺

後並准此

供進內鹹豉第二盞

送御酒歌板起中腔供進雜爆第三盞歌板唱

踏歌供進肉鮓候內官起茶牀樞密跪奏禮畢

羣臣降階舞蹈拜退此上壽大畧也若錫宴節
次大率如夢華所載茲不贅書今偶得理宗朝
禁中壽筵樂次因列于此庶可想承平之盛觀
也

天基聖節排當樂次

正月五日

樂奏夾鐘宮感策起萬壽永無疆引子王恩
上壽第一盞感策起聖壽齊天樂慢周潤
第二盞笛起帝壽昌慢潘俊

第三盞笙起昇平樂慢侯璋

第四盞方響起萬方寧慢余勝

第五盞感策起永遇樂慢楊茂

第六盞笛起壽南山慢盧寧

第七盞笙起戀春光慢任榮祖

第八盞感策起賞仙花慢王榮顯

第九盞方響起碧牡丹慢彭先

第十盞笛起上苑春慢胡寧

第十一盞笙起慶壽樂慢侯璋

第十二盞感策起柳初新慢劉昌

第十三盞諸部合萬壽無疆薄媚曲破

初坐樂奏夷則宮感策起上林春引子王榮顯

第一盞感策起萬歲梁州曲破齊汝賢

舞頭豪俊邁 舞尾范宗茂

第二盞感策起聖壽永歌曲子陸恩顯

琵琶起捧瑤卮慢王榮祖

第三盞唱延壽長歌曲子李文慶

嵇琴起花稍月慢李松

第四盞玉軸琵琶獨彈正黃宮福壽永康

寧俞達 拍王良卿

感策起慶壽新周潤 進譚子笛哨潘

俊 杖鼓朱堯卿

拍王良卿 進念致語等時和

伏以華樞紀節瑤墀先五日之春玉曆發祥聖

前正木舊事 卷一
世啓千齡之運歡騰薄海慶溢大庭恭惟
皇帝陛下濬哲如堯儉勤邁禹躬行德化躋民
壽域之中治洽泰和措世春臺之上

皇后殿下道符坤順位儷乾剛宮闈資陰教之
脩海寓仰母儀之正有德者必壽八十箇甲子
環周申命其用休億萬載皇圖鞏固臣等生逢
華旦叨預伶官輒采聲詩恭陳口號

上聖天生自有真 千齡寶運紀休辰

貫樞瑞彩昭璇象 滿室紅光裊翠麟

黃閣清夷瑤莢曉 未央閒暇玉卮春

箕疇五福咸敷歛 皇極躬持錫庶民

日遲鸞旆喜聆舜樂之和天近鵷墀宜進齊諧
之伎上奉天顏吳師賢已下上進小雜劇

雜劇吳師賢已下做君聖臣賢爨斷送

萬歲聲

第五盞笙獨吹小右角長生寶宴樂侯璋

拍張亨

笛起降聖樂慢盧寧

雜劇周朝清已下做三京下書斷

送遼池遊

第六盞箏獨彈高雙調聚仙歡陳儀

拍謝用

方響起堯階樂慢劉

民和

聖花金寶

第七盞玉方響獨打道調宮聖壽永余勝

拍王良卿

箏起出墻花慢吳宣

雜手藝祝壽進香仙人趙喜

第八盞萬壽祝天基斷隊

第九盞簫起縷金蟬慢傅昌寧

笙起託嬌鶯慢任榮祖

第十盞諸部合齊天樂曲破

再坐第一盞感策起慶芳春慢楊茂

笛起延壽慢潘俊

第二盞箏起月中仙慢侯端

嵇琴起壽爐香慢李松

第三盞感策起慶簫韶慢王榮祖

笙起月明起花燈慢任榮祖

第四盞琵琶獨彈高雙調會羣仙

方響起玉京春慢余勝

雜劇何晏喜已下做湯飯斷送四時歡

第五盞諸部合老人星降黃龍曲破

第六盞感策獨吹商角調筵前保壽樂

雜劇時和已下做四偈少年遊斷

送賀時曲

第七盞鼓笛曲拜舞六么

弄傀儡踢架兒盧逢春

第八盞簫獨吹雙聲調玉簫聲

第九盞諸部合無射官碎錦梁州歌

頭大曲

雜手藝永團圓趙喜

第十盞笛獨吹高手調慶千秋

第十一盞琵琶獨彈大呂調壽齊天

撮弄壽果放生姚潤

第十二盞諸部合萬壽興隆樂法曲

第十三盞方響獨打高宮惜春

傀儡舞鮑老

第十四盞箏琶方響合纏令神曲

第十五盞諸部合夷則羽六么

巧百戲趙喜

第十六盞管下獨吹無射商柳初春

第十七盞鼓板 舞綰壽星姚潤

第十八盞諸部合梅花伊州

第十九盞笙獨吹正平調壽長春

傀儡羣仙會盧逢春

第二十盞感策起萬花新曲破

祇應人

都管

周朝海 陸恩顯

雜劇色

吳師賢

趙恩

王太一

朱旺

猪兒頭

時和

金寶

俞慶

何晏喜

沈定

吳國賢

王壽

趙寧

胡寧

鄭喜

陸壽

歌板色

李文慶

拍板色

王良卿

張亨

謝用

簫色

傅昌寧

朱明復

李允信

箏色

陳儀

豪輔文

吳宣

豪俊賢

徐顯祖

張廣

琵琶色

王榮祖

豪俊民

俞達

豪俊邁

段繼祖

嵇琴色

李松

侯端

孫民顯

笙色

侯璋

葉茂青

任榮祖

董茂

張瑾

潘寶

姚拱

范椿

孫昌

莫正

周珍

馬椿

陳保

姚舜臣

感築色

齊汝賢

周潤

楊茂

王恩

王榮顯

姜師賢

劉昌

楊彬

王福

杜明

喻祥

周忠恕

夏福

徐珏

周喜

聞澄

沈壽

丁預

鄭亨

周佐

楊瑾

沈康

鄭聰

莫壽

潘顯祖

時潤

胡佾

周信

李圭

李潤

史顯

金壽

笛色

楊德茂 潘俊 盧寧 彭俊

賀昌 賀壽 胡師文 莫壽椿

姚寶 張茂祖 崔興 朱珍

張茂才 金貴 潘顯祖 沈壽

周興 李大用 董大有 金明

趙喜 莫及 張春 葉茂

胡寧 任顯 張椿 孫寧

彭進 李榮 全寧 金彥恭

董喜 王佑 來亨 王喜

顧和 顧松 金顯 董寧

杜松 李椿 張椿 何福

管思齊 朱喜 花椿 李拱辰

方響管色

余勝 彭先 黃桂 劉民和

姜大亨 張榮

杖鼓色

朱堯卿

馮喜

時忠

施榮

朱拱辰

周忠

李顯

姚寶

葉茂

李榮祖

大鼓色

王喜

鄧珍

王宣

顧榮

舞旋色

范宗茂

內中上教

張明

倪椿

潘恩

石琇

張琳

弄傀儡盧逢春等六人

雜手藝姚潤等

九人

女厮撲張椿等十人

築毬軍陸寶等二十四人

百戲沈慶等六十四人

百禽鳴胡福等二人

武庫事卷之一終

高寄齋訂正武林舊事卷之二

泗水潛夫輯

繡水沈元昌校
沈元嘉

御教

壽皇留意武事在位凡五大閱

乾道二年四年六年淳熙四年

十年或幸白石或幸茅灘或幸龍山一時儀文士馬戈甲旌旗之盛雖各不同今撮其要以著於

此

先一日諸軍人馬全裝執色於教場東布列軍幕宿營至日殿前馬步諸軍先赴教場下方營并親隨軍排列將壇之後質明三衙管軍官並全裝從駕上自祥曦殿戎服乘馬太子親王宰執近臣並戎服乘馬以從護聖馬軍八百騎分執鎗旗弓矢軍器前後奏隨軍番部大樂等

詳見

後御教儀衛次第

駕入教場升幄殿殿帥執槲躬奏諸

司人馬排立齊舉黃旗招諸軍向御殿柳子一鼓唱喏一鼓呼萬歲再一鼓又呼萬歲疊鼓呼萬萬歲又一鼓唱喏殿帥奏取聖旨鳴角發嚴上御金裝甲胄登將壇幄殿鳴角戒嚴殿帥奏取聖旨馬步軍整隊成屯以備教戰連三鼓馬軍上馬步軍起旗槍分東西爲應敵之勢舉白旗教方陣黃旗變圓陣皂旗變曲陣青旗變直陣緋旗變銳陣緋心皂旗作長蛇陣緋心白旗

前正林舊事 卷二
作伏虎陣殿帥奏取聖旨兩陣各遣勇將挑戰
變八圓陣疊鼓舉旗左馬軍戰右步軍右馬軍
戰左步軍再疊鼓交旗擊刺混戰三疊金分陣
大勢馬軍四面大戰三疊金分陣殿帥奏教陣
訖取旨人馬排列當頭鳴角簇隊以俟放教諸
軍呈大刀車炮烟槍諸色武藝御前傳宣撫諭
將士射生官進獻獐鹿上更戎服賜宰臣已下
對御酒五行殿帥奏取旨謝恩如前唱喏訖駕

出教場是日太上皇於都亭驛設簾幄以觀駕
至邀上入幄宣喚管軍官賜大金碗酒於簾外
都人贊歎以爲盛觀時殿司旗幟以黃馬司以
緋步司以白以道路隘促止用從駕軍一萬二
千四百人分爲二百四十八小隊戈甲耀日旌
旗蔽天連亘二十餘里粲如錦繡都人縱觀以
爲前所未有凡支犒金銀錢帛以鉅萬計悉出
內庫戶部不與焉

御教儀衛次第

文物儀衛並同四孟駕出今止添入後項

彈壓前隊侍立使臣都轄

執黃龍旗使臣十八人 執繡龍旗使臣

帶弓箭汗膀豹尾使四員

帶汗膀員騎劍使臣十員

彈壓後隊侍立使臣都轄

黃羅戲珠龍旗 黃繡龍旗二

豹尾使臣四 員騎劍使臣十人

供進馬四匹 帶甲御馬

御前全裝甲馬 管押使臣幕士

內中正供馬 獸醫押槽

黃繡龍傳宣旗二 小龍傳宣旗十

隨逐巡視官 馬院禁衛官

引馬監官二員 供馬監官二員

聖駕供鞭通管一員 撥梢提轄二員

日烏獨脚旗

挾駕指揮四十二人

銷金龍旗二

犀皮御座椅

鈐鎚刀子左

匙筋刀子右

青氈御笠

褐氈御笠

金鳳瓶

絲鞵篋子

御膳篋子

玉靶于闐刀

馬腦于闐刀

水晶于闐刀

金洗嗽

皂白御靴

通犀于闐刀

角靶于闐刀

酒鑿子大

白虎皮杖榼

白豹皮杖榼

梳刷馬盂袋

黑漆套盤

圭木套盤

銷金弓箭胡蘆

虎豹皮弓袋箭葫蘆

飲水角

拍板二

哨笛四

番鼓二十四人

彈壓樂器使臣

管押訓練官

杏黃龍旗二百

威儀二

札子九

大鼓十四人

龍笛四

從駕官宰臣已下

並如
常日

臨安府彈壓官屬

燕射

淳熙元年九月孝宗幸玉津園講燕射禮皇太子宰執使相侍從正任皆從輦至殿門外少駐教坊進念致語口號作樂至麗正門由嘉會門

至玉津園賜宴酒三行上服頭巾窄衣束帶絲鞵臨軒內侍御帶進弓箭看箭人喝看御箭教坊樂作射堦前排立招箭班應喏皇帝第二箭射中皇太子已下各再拜稱賀進御酒并宣勸訖皇太子已下及臣僚射弓第四箭射中上再射第三箭又中的傳旨不賀舍人先引皇太子當殿賜窄衣金束帶次引射中臣僚受賜如前再進御酒奏樂用雜劇次賜宰臣已下十兩銀

前正林舊事 卷二 六
碗各一隻上賦七言詩丞相曾懷已下屬和以
進上乘逍遙輦出玉津園門教坊進念口號至
祥曦殿降輦招箭班者服紫衣幞頭叉手立於
堦前御箭之來能以幞頭取勢轉導入的亦絕
伎也

公主下降

南渡以來公主無及嫁者獨理宗朝周漢國公
主出降慈明太后姪孫楊鎮禮文頗盛今撫梗

槩於此

先是擇日遣天使宣召駙馬至東華門引見便
殿賜玉帶靴笏鞍馬及紅羅百疋銀器百兩衣
著百疋聘財銀一萬兩對御賜筵五盞用教坊
樂俟畢謝恩訖乘塗金御仙花鞍轡狝座馬執
絲鞭張三簷傘教坊樂部五十人前引還第謂
之宣繫 進財物件並照國朝會要太常寺關
報有司辦造

先一月宣宰執常服繫鞵詣後殿西廊觀看公主房奩

真珠九翬四鳳冠

綸翟衣一副

真珠玉珮一副

金革帶一條

玉龍冠

綬玉環

北珠冠花篋環

七寶冠花篋環

真珠大衣背子

真珠翠領四時衣服

壘珠嵌寶金器

塗金器

貼金器

出從貼金銀裝擔等

錦繡銷金帳幔陳設茵褥地衣步障等物

其日駙馬常服玉帶乘馬至和寧門易冕服至

東華門用鴈幣玉馬等行親迎禮用熙寧故事

公主服九翬四鳳冠綸翟纁袖升轎其前

天文官

本位從物從人

燭籠二十

本位使臣

插釵童子八人

方扇四

圓扇四

引障花十

提燈二十

行障坐障

皇后親送乘九龍轎子皇太子乘馬圍子左右
兩重其後太師判宗正寺榮王榮王夫人及諸
命婦至第賜御筵九盞筵畢皇后太子先還公
主歸位行同牢禮用開寶禮然後親行盥饋舅姑之
禮開寶禮謁見舅姑用名紙一副衣一襲手帕一
合粧盃藻豆袋銀器三百兩衣著五百疋餘親
各有差三朝公主駙馬並入內謝恩宣賜禮物

賜宴禁中外庭奉表稱賀賜宰執親王侍從內
職管軍副都指使已上金銀錢盛包子有差依熙寧
式駙馬家親屬各等第推恩

唱名

- 第一名承事郎 第二第三名並文林郎
- 第一甲賜進士及第 第二甲同進士及第
- 第三第四甲賜進士出身
- 第五甲同進士出身 武舉第一名義郎

特奏第一名同進士出身

上御集英殿拆號唱進士名各賜綠襪袍白簡黃襯衫武舉人賜紫羅袍鍍金帶牙笏賜狀元等三人酒食五盞餘人各賜泡飯前三名各進謝恩詩一首皆重戴綠袍絲鞭駿馬快行各持敕黃於前黃旗雜沓多至數十百面各書詩句于上呵殿如雲皆平日交遊親舊相逐之人或三學使令齋臧輩若執事之人則係帥漕司差

到狀元局祇應亦有術人相士輩自銜預定魁選鼓舞於中自東華門至期集所豪家貴邸競列綵幕縱觀其有少年未有室家者亦往往於此擇壻焉期集所例置局於禮部貢院前三人主之於內遴選所長以克職事有糾彈牋表主管題名小錄掌儀典客掌計掌器掌膳掌酒果監門等後旬日朝謝又數日拜黃甲叙同年其儀三名設褥于堂上東西相向四十已上立于

東廊四十已下立于西廊皆再拜拜已擇榜中
年長者一人狀元拜之復擇少者一人拜狀元
又數日赴國子監謁謝先聖先師訖賜聞喜宴
于局中侍從已上及綰職皆與知舉官押宴遂
立題名石刻凡費悉出於官及諸闈饋遺云

元正

朝廷元日冬至行大朝會儀則百官冠冕朝服
備法駕設黃麾仗三千三百五十人

視東京已減三之

用太常雅樂宮架登歌太子上公親王宰執並
赴紫宸殿立班進酒上千萬歲壽上公致辭樞
密宣答及諸國使人及諸州入獻朝賀然後奏
樂進酒賜宴此禮不能常行每歲禁中止是以
三茅鐘鳴駕興上服幘頭玉帶靴袍先詣福寧
殿龍墀及聖堂炷香

用蠟沉腦子

次至天章閣祖宗

神御殿行酌獻禮次詣東朝奉賀復回福寧殿
受皇后太子皇子公主貴妃至郡夫人內官大

內已下賀賀畢駕始過大慶殿御史臺閣門分
引文武百僚追班稱賀大起居十六拜致辭上
壽樞密宣答禮畢放仗是日後苑排辦御筵於
清燕殿用插食盤架午後脩內司排辦晚筵於
慶瑞殿用烟火進市食賞燈並如元夕

立春

前一日臨安府進大春牛設之福寧殿庭及駕
臨幸內宮皆用五色絲綵杖鞭牛御藥院例取

牛睛以充眼藥餘屬直閣婆

號管人
都行首

掌管預造

小春牛數十飾綵旛雪柳分送殿閣巨璫各隨
以金銀錢彩段爲酬是日賜百官春旛勝宰執
親王以金餘以金裹銀及羅帛爲之係文思院
造進各垂於幙頭之左入謝後苑辦造春盤供
進及分賜貴邸宰臣巨璫翠縷紅絲金鷄玉燕
備極精巧每盤直萬錢學士院撰進春帖子帝
后貴妃夫人諸閣各有定式絳羅金縷華粲可

前正林舊事 卷二
觀臨安府亦鞭春開宴而邸第饋遺則多效內
庭焉

元夕

禁中自去歲九月賞菊燈之後迤邐試燈謂之
預賞一入新正燈火日盛皆修內司諸璫分主
之競出新意年異而歲不同往往於復古膺福
清燕明華等殿張掛及宣德門梅堂三間臺等
處臨時取旨起立鰲山燈之品極多見後每以
燈品

藉燈爲最圖片大者徑三四尺皆五色琉璃所
成山水人物花竹翎毛種種奇妙儼然着色便
面也其後福州所進則純用白玉晃耀奪目如
清水玉壺爽徹心目近歲新安所進益奇雖圈
骨悉皆琉璃所爲號無骨燈禁中嘗令作琉璃
燈山其高五丈人物皆用機關活動結大綵樓
貯之又於殿堂梁棟窗戶間爲漏壁作諸色故
事龍鳳嘑水蜿蜒如生遂爲諸燈之冠前後設

玉柵簾寶光花影不可正視仙韶內人迭奏新
曲聲聞人間殿上鋪連五色琉璃閣皆毬文戲
龍百花小窻間垂小水晶簾流蘓寶帶交映璀
璨中設御座恍然如在廣寒清虛府中也至二
鼓上乘小輦幸宣德門觀鰲山擎輦者皆倒行
以便觀賞金爐腦麝如祥雲五色熒煌炫轉照
耀天地山燈凡數千百種極其新巧恠恠奇奇
無所不有中以五色玉柵簇成皇帝萬歲四大

于其上伶官奏樂稱念口號致語其下爲大露
臺百藝羣工競呈奇技內人及小黃門百餘皆
巾裹翠蛾倣街坊清樂傀儡繚繞於燈月之下
旣而取旨宣喚市井舞隊及市食盤架先是京
尹預擇華潔及善歌叫者謹伺于外至是歌呼
競入旣經進御妃嬪內人而下亦爭買之皆數
倍得直金珠磊落有一夕而至富者宮漏旣深
始宣放烟火百餘架於是樂聲四起燭影縱橫

而駕始還矣大率倣宣和盛際愈加精妙特無
登樓賜宴之事人間不能詳知耳

都城自舊歲冬孟駕回則已有乘肩小女鼓吹
舞綰者數十隊以供貴邸豪家幕次之翫而天
街茶肆漸已羅列燈毬等求售謂之燈市自此
以後每夕皆然三橋等處客邸最盛舞者往來
最多每夕樓燈初上則簫鼓已紛然自獻於下
酒邊一笑所費殊不多往往至四鼓乃還自此

日盛一日姜白石有詩云燈已闌珊月氣寒舞
兒往往夜深還只因不盡婆娑意更向街心弄
影看又云南陌東城盡舞兒畫金刺繡滿羅衣
也知愛情春遊夜舞落銀蟾不肯歸吳夢憲玉
樓春云茸茸狸帽遮梅額金蟬羅剪胡衫窄乘
肩爭看小腰身倦態強隨閒鼓笛問稱家在城
東陌欲買千金應不惜歸來困頓帶春眠猶夢
婆娑斜趁拍深得其意態也至節後漸有大隊

前正林舊事 卷三
如四國朝僊備杵歌之類日趨於盛其多至數十百隊天府每夕差官點視各給錢酒油燭多寡有差且使之南至昇陽宮支酒燭北至春風樓支錢終夕天街鼓吹不絕都民士女羅綺如雲蓋無夕不然也至五夜則京尹乘小提轎諸舞隊次第簇擁前後連亘十餘里錦繡填委簫鼓振作耳目不暇給吏魁以大囊貯楮券凡遇小經紀人必犒數十謂之買市至有黠者以小

盤貯梨藕數片騰身迭出於稠人之中支請官錢數次者亦不禁也李篋房詩云斜陽盡處蕩輕烟輦路東風入管絃五夜好春隨步暖一年明月打頭圓香塵掠粉翻羅帶密炬籠綃鬪玉釧人影漸稀花露冷踏歌吹度曉雲邊京尹幕次側占市西坊繁鬧之地贊燭糝盆照耀如晝其前列荷校囚數人大書犯由云某人爲不合槍撲釵環挨擔婦女繼而行遣一二謂之裝燈

其實皆三獄罪囚姑借此以警姦民分委府僚
巡警風燭及命轄房使臣等分任地方以緝姦
盜三獄亦張燈建淨獄道場多裝獄戶故事及
陳列獄具邸第好事者如清河張府蔣御藥家
間設雅戲烟火邊水際燈燭粲然遊人士女
縱觀則進門酌酒而去又有幽坊靜巷好事之
家多設五色琉璃泡燈更自雅潔靚粧笑語望
之如神仙白石詩云沙河雲合無行處惆悵來

遊路已迷却入靜坊燈火空門門相似列蛾眉
又云遊人歸後天街靜坊陌人家未閉門簾裏
垂燈照樽俎坐中嬉笑覺春溫或戲於小樓以
人爲大影戲兒童謹呼終夕不絕此類不可遽
數也西湖諸寺惟三竺張燈最盛往往有宮禁
所賜貴璫所遺者都人好奇亦往觀焉白石詩
云珠絡琉璃到地垂鳳頭御帶玉交枝君王不
賞無人進天竺堂深夜雨時

元夕節物婦人皆帶珠翠鬧蛾玉梅雪柳菩提
葉燈毬銷金合蟬貉袖項帕而衣多尚白蓋月
下所宜也游手浮浪輩則以白紙爲大蟬謂之
夜蛾又以棗肉炭屑爲丸繫以鐵絲然之名火
楊梅節食所尚則乳糖丸子餛飩科斗粉豉湯
水晶膾韭餅及南北珍果并皂兒糕宜利少澄
沙糰子滴酥鮑螺酪麵玉消膏琥珀餠輕錫生
熟灌藕諸色瓏璽蜜煎蜜裹糖瓜蔓煎七寶薑

豉十般糖之類皆用鏤鑰裝花盤架車兒簇插
飛蛾紅燈綵盞歌叫喧闐幕次往往使之吟叫
倍酬其直白石亦有詩云貴客鈎簾看御街市
中珍品一時來簾前花架無行路不得金錢不
肯回競以金盤鈿合簇釘饋遺謂之市食合兒
翠簾銷幕絳燭紗籠遍呈舞隊密擁歌姬脆管
清吭新聲交奏戲具粉嬰鬻歌售藝者紛然而
集至夜闌則有持小燈照路拾遺者謂之掃街

遺鈿墮珥往往得之亦東都遺風也

舞隊

大小全棚傀儡

查查鬼

查查大

李大口

一字

賀豐年

長瓠飲

長頭

兔吉

兔毛大伯

吃遂

大憨兒

麤姐

麻婆子

快活三郎

黃金杏

瞎判官

快活三娘

沈承務

一臉膜

貓兒相公

洞公醬

細姐

河東子

黑遂

王缺兒

交椅

夾捧

屏風

男女竹馬

男女杵歌

大小斫刀鮑老

交衮鮑老

子弟清音

女童清音 諸國獻寶

六國朝

四國朝

穿心國入貢

孫武子教女兵

遏雲社

緋綠社

胡女

鳳阮嵇琴

撲蝴蝶

回陽丹

大藥

瓦鼓

焦鎚架兒

喬三教

喬迎酒

喬親事

喬樂神

馬明王

喬捉蛇

喬學堂

喬宅眷

喬像生

喬師娘

獨自喬

地仙

旱划船

教象

裝態

村田樂

鼓板

踏蹻

撲旗

抱鑼裝鬼

獅豹鬻牌

十齋郎

耍和尚

劉袞

散錢行

貨郎

打嬌惜

其品甚夥不可悉數首飾衣裝相矜侈靡珠翠錦綺眩耀華麗如傀儡杵歌竹馬之類多至十

餘隊十二三兩日國忌禁樂則有裝宅眷籠燈前引珠翠盛飾少年尾其後訶殿而來卒然遇之不辨真偽及為喬經紀人如賣蜂糖餅小八塊風子賣字本虔婆賣旗兒之類以資一笑者尤多也

燈品

燈品至多蘓福為冠新安晚出精妙絕倫所謂無骨燈者其法用絹囊貯粟為胎因之燒綴及

前通林舊事 卷二
成去粟則混然琉璃毬也景物奇巧前無其比
又爲大屏灌水轉機百物活動趙忠惠守吳日
嘗命製春雨堂五大間左爲汴京御樓右爲武
林燈市歌舞雜藝纖悉曲盡凡用千工外此有
魷燈則移鏤犀珀玳瑁以飾之珠子燈則以五
色珠爲網下垂流蘓或爲龍船鳳輦樓臺故事
羊皮燈則鏤鏤精巧五色粧染如影戲之法羅
帛燈之類尤多或爲百花或細眼間以紅白號

萬眼羅者此種最奇外此有五色蠟紙菩提葉
若沙戲影燈馬騎人物旋轉如飛又有深閨巧
娃剪紙而成尤爲精妙又有絹燈剪寫詩詞時
寓譏笑及畫人物藏頭隱語及舊京諱語戲弄
行人有貴邸嘗出新意以細竹絲爲之加以綵
飾疎明可愛穆陵喜之令製百盞期限旣迫勢
難卒成而內苑諸璫耻於不自己出思所以勝
之遂以黃草布剪縷加之點染與竹無異凡兩

日百盞已進御矣

挑菜

二月一日謂之中和節唐人最重今惟作假及進單羅御服百官服單羅公裳而已二日宮中排辦挑菜御宴先是預備朱綠花斛下以羅帛作小卷書品目于上繫以紅絲上植生菜薺花諸品俟宴酬樂作自中殿以次各以金篋挑之后妃皇子貴王婕妤及都知等皆有賞無罰以

次每斛十號五紅字爲賞五黑字爲罰上賞則成號真珠玉杯金器北珠篋環珠翠領抹次亦鍤銀酒器冠鍤翠花段帛龍涎御扇筆墨官窰定器之類罰則舞唱吟詩念佛飲冷水吃生薑之類用此以資戲笑王宮貴邸亦多倣之

進茶

仲秋上旬福建漕司進第一綱茶名北苑試新方寸小夸進御止百夸護以黃羅軟盞藉以青

山前水後事 卷三
三
翦裹以黃羅夾複臣封朱印外用朱漆小匣鍍
金鎖又以細竹絲織笈貯之凡數重此乃雀舌
水芽所造一夸之直四十萬僅可供數甌之啜
耳或以一二賜外邸則以生線分解轉遺好事
以爲奇玩茶之初進御也翰林司例有品嘗之
費皆漕司邸吏賂之間不滿欲則入鹽少許茗
花爲之散漫而味亦漓矣禁中大慶會則用大
鍍金斝以五色韻果簇釘龍鳳謂之繡茶不過

悅目亦有專其工者外人罕知因附見于此

賞花

禁中賞花非一先期後苑及脩內司分任排辦
凡諸苑亭榭花木粧點一新錦簾銷幕飛梭繡
毬以至茵褥設放器玩盆窠珍禽異物各務奇
麗又命小璫內司列肆關撲珠翠冠朶籠環繡
段畫領花扇官窰定器孩兒戲具鬧竿龍船等
物及有賣買果木酒食餅餌蔬茹之類莫不備

具悉傲西湖景物起自梅堂賞梅芳春堂賞杏
花桃源觀桃粲錦堂金林檎照粧亭海棠蘭亭
修禊至於鍾美堂大花爲極盛堂前三面皆以
花石爲臺三層各植名品標以象牌覆以碧幕
臺後分植玉繡毬數百株儼如鏤玉屏堂內左
右各列三層雕花彩檻護以彩色牡丹畫衣間
列碾玉水晶金壺及大食玻璃官窰等甌各簪
奇品如姚魏御衣黃照殿紅之類幾千朶別以

銀箔間貼大斛分種數十百窠分列四面至於
梁棟窻戶間亦以湘筒貯花鱗次簇插何翅萬
朶堂中設牡丹紅錦地茵自中殿妃嬪以至內
官各賜翠葉牡丹分枝鋪翠牡丹御書畫扇龍
涎金合之類有差下至伶官樂部應奉等人亦
霑恩賜謂之隨花賞或天顏悅懌謝恩賜予多
至數次至春暮則稽古堂會瀛堂賞瓊花靜侶
亭紫笑淨香亭采蘭挑筍則春事已在綠陰芳

草間矣大抵內宴賞初坐再坐插金盤架者謂之排當否則但謂之進酒

古今之賦林蓋不至外宮樂清歌奏人亦
官合則琴瑟掛供不封醴醴其共休書畫
采堂中新林共感賦詩日中氣壯飲以至
樂時或以調亦以賦詩領亦難之賦詩何
與前詞賦大賦小賦亦十有八限四而至

高寄齋訂正武林舊事卷之三

泗水潛 夫輯

繡水 沈元亮 校
沈元禎

西湖遊幸 都人遊賞

淳熙間壽皇以天下養每奉德壽三殿遊幸湖
山御大龍舟宰執從官以至大璫應奉諸司及
京府彈壓等各乘大舫無慮數百時承平日久

樂與民同凡遊觀買賣皆無所禁畫楫輕舫旁
午如織至於菓蔬羹酒關撲宜男戲具鬧竿花
藍畫扇綵旗糖魚粉餌時花泥嬰等謂之湖中
土宜又有珠翠冠梳銷金綵段犀鈿髹漆織藤
窰器玩具等物無不羅列如先賢堂三賢堂四
聖觀等處最盛或有以輕橈趁逐求售者歌妓
舞鬟嚴粧自銜以待招呼者謂之水仙子至於
吹彈舞拍雜劇雜扮撮弄勝花泥凡鼓板投壺

花彈蹴鞠分茶弄水踏混木撥盆雜藝散耍詭
唱息器教水族飛禽水傀儡鬻道術烟火起輪
走線流星水爆風箏不可指數總謂之趕趁人
蓋耳目不暇給焉御舟四垂珠簾錦幕懸掛七
寶珠翠龍船梭子鬧竿花籃等物宮姬韶部儼
如神仙天香濃郁花柳避妍小舟時有宣喚賜
予如宋五嫂魚羹嘗經御賞人所共趨遂成富
媪朱靜佳六言詩云柳下白頭釣叟不知生長

何年前度君王遊幸賣魚收得金錢往往修舊
京金明池故事以安太上之心豈特事遊觀之
美哉湖上御園南有聚景真珠南屏北有集芳
延祥玉壺然亦多幸聚景焉一日御舟經斷橋
橋旁有小酒肆頗雅潔中飾素屏風書風入松
一詞于上光堯駐目稱賞久之宣問何人所作
乃太學生俞國寶醉筆也其詞云一春長費買
花錢日日醉湖邊玉驄慣識湖邊路騎嘶過沽

酒樓前紅杏香中歌舞綠楊影裏鞦韆暖風十
里麗人天花壓鬢雲偏畫船載取春歸去餘情
付湖水湖烟明日重携殘酒來尋陌上花翎上
笑曰此詞甚好但末句未免儒酸因爲改定云
明日重扶殘醉則迥不同矣卽日命解褐云
西湖天下景朝昏晴雨四序總宜杭人亦無時
而不遊而春遊特盛焉承平時頭船如大綠間
綠十樣錦百花寶勝明玉之類何翅百餘其次

則不計其數皆華麗雅靚誇奇競好而都人凡
締姻賽社會親送葬經會獻神任宦恩賞之經
營禁省臺府之囑託貴璫要地大賈豪民買笑
千金呼盧百萬以至癡騃子密約幽期無不在
焉日糜金錢靡有紀極故杭諺有銷金鍋兒之
號此語不爲過也

都城自過收燈貴遊巨室皆爭先出郊謂之探
春至禁烟爲最盛龍舟十餘綵旗疊鼓交作一
行粲如織錦內有曾經宣喚者則錦衣花帽以
自別於衆京尹爲立賞格競渡爭標內璫貴客
賞犒無筭都人士女兩堤駢集幾於無置足地
水面畫楫櫂比如魚鱗亦無行舟之路歌謔簫
鼓之聲振動遠近其盛可以想見若遊之次第
則先南而後北至午則盡入西泠橋裏湖其外
幾無一舸矣弁陽老人有詞云看畫船盡入西
泠閒却半湖春色蓋紀實也旣而小泊斷橋千

前正林舊事 卷三
舫駢聚歌管喧奏粉黛羅列最爲繁盛橋上少年郎競縱紙鳶以相勾牽剪裁以線絕者爲負此雖小技亦有專門爆仗起輪走線之戲多設於此至花影暗而月華生始漸散去絳紗籠燭車馬爭門日以爲常張武子詩云帖帖平湖印晚天踏歌遊賞錦相牽都城半掩人爭路猶有胡琴落後船最能狀此景茂陵在御畧無遊幸之事離宮別館不復增脩黃洪詩云龍舟大半

沒西湖此是先皇節儉圖三十六年安靜裏權歌一曲在康衢理宗時亦嘗製一舟悉用香楠木捨金爲之亦極華侈然終於不用至景定間周漢國公主得旨偕駙馬都尉楊鎮汎湖一時文物亦盛髣髴承平之舊傾城縱觀都人爲之罷市然是時先朝龍舫久已沉沒小舟號小烏龍者以賜楊郡王之故尚在其舟平底有柁製度簡朴或傳此舟每出必有風雨余嘗屢乘初

無此異也

放春

蔣苑使有小圃不滿二畝而花木匠而亭榭奇巧春時悉以所有書畫玩器冠花器弄之物羅列滿前戲効關撲有珠翠冠僅大如錢者鬪竿花籃之類悉皆鏤絲玉金爲之極其精妙且立標竿射堞及鞦韆梭門鬪鷄蹴鞠諸戲事以娛遊客衣冠士女至者招邀杯酒往往過禁烟乃

已蓋效禁苑具體而微者也

日東嶽主丞坊會

社會

二月八日爲桐川張王生辰霍山行宮朝拜極

盛百戲競集如緋綠社

雜劇

齊雲社

蹴毬

遏雲社

唱賺

同文社

要詞

角觝社

相撲

清音社

清樂

錦標社

射擊

錦體

社

花繡

英畧社

使棒

雄辯社

小說

翠錦社

行院

繪革社

影戲

淨髮社

梳剃

律華社

吟叫

雲機社

撮弄

而七寶瀉馬二

會爲最玉山寶帶尺璧寸珠璀璨奪目而天驥

龍媒絨鞞寶轡競賞神駿好奇者至剪毛爲花草人物厨行果局窮極肴核之珍有所謂意思作者悉以通草羅帛雕飾爲樓臺故事之類飾以珠翠極其精緻一盤至直數萬然皆浮靡無用之物不過資一玩耳奇禽則紅鸚白雀水族則銀蟹金龜高麗華山之奇松交廣海嶠之異卉不可縷數莫非動心駭目之觀也若三月三日殿司真武會三月二十八日東嶽生辰社會

之盛大率類此不暇贅陳

祭掃

清明前三日爲寒食節都城人家皆插柳滿簷雖小坊幽曲亦青青可愛大家則加棗餽於柳上然多取之湖隄有詩云莫把青青都折盡明朝更有出城人朝廷遣臺臣中使宮人車馬朝響諸陵原廟薦獻用麥糕稠餠而人家上塚者多用棗餽薑豉南北兩山之間車馬紛然而野

前正林舊事 卷三
祭者尤多如大昭慶九曲等處婦人淡裝素衣
提携兒女酒壺肴壘村店山家分餽遊息至暮
則花柳土宜隨車而歸若玉津富景御園包家
山之桃關東青門之菜市東西馬騰尼菴道院
尋芳討勝極意縱遊隨處各有買賣趕趁等人
野果山花別有幽趣蓋輦下驕民無日不在春
風歌舞中而游手末技爲尤盛也

浴佛

四月八爲佛誕日諸寺院各有浴佛會僧尼輩
競以小盆貯銅像浸以糖水覆以花棚饒鉢交
迎遍往邸第富室以小杓澆灌以求施利是日
西湖作放生會舟楫盛多畧如春時小舟競賣
龜魚螺蚌放生

迎新

戶部點檢所十三酒庫例於四月初開煮九月
初開清先是提領所呈樣品嘗然後迎引至諸

所隸官府而散每庫各用疋布書庫名高品以
長竿懸之謂之布牌以木牀鐵擊爲仙佛鬼神
之類駕空飛動謂之臺閣雜劇百戲諸藝之外
又爲漁父習閑竹馬出獵八仙故事及命妓家
女使裹頭花巾爲酒家保及有花裹五熟盤架
放生籠養等各庫爭爲新好庫效之瑋瑋者皆
珠翠盛飾銷金紅背乘繡鞦寶勒駿騎各有皂
衣黃號私身數對訶導於前羅扇衣笈浮浪閒
客隨逐於後少年狎客往往簇釘持盃爭勸馬
首金錢綵段霑及輿臺都人習以爲常不爲怪
笑所經之地高樓遠閣繡幕如雲累足駢肩真
所謂萬人海也

端午

先期學士院供帖子如春日禁中排當例用朔
日謂之端一或傳舊京亦然插食盤架設天師
艾虎意思山子數十座五色蒲絲百草霜以大

合三層飾以珠翠葵榴艾花蜈蚣蛇蝎蜥蜴等
謂之毒蟲及作糖霜韻果糖蜜巧粽極其精巧
又以大金瓶數十遍插葵榴梔子花環繞殿閣
及分賜后妃諸閣大璫近侍翠葉五色葵榴金
絲翠扇真珠百索釵符經筒香囊軟香龍涎佩
帶及紫練白葛紅蕉之類大臣貴邸均被細葛
香羅蒲絲艾朶彩團巧粽之賜而外邸節物大
率效尤焉巧粽之品不一至結爲樓臺舫輅又

以青羅作赤口白舌帖子與艾人並懸門楣以
爲禳禱道宮法院多送佩帶符篆而市人門首
各設大盆雜植艾蒲葵花上掛五色紙錢排釘
果粽雖貧者亦然湖中是日遊舫亦盛蓋迤邐
炎暑晏遊漸稀故也俗以此日爲馬本命凡御
廐邸第上乘悉用五綵爲鬃尾之飾奇鞮寶轡
克滿道途亦可觀玩也

禁中納涼

禁中避暑多御復古選德等殿及翠寒堂納涼
長松脩竹濃翠蔽日層巒奇岫靜窈縈深寒瀑
飛空下注大池可十畝池中紅白齒苔萬柄蓋
園丁以瓦盎別種分列水底時易新者庶幾美
觀又置茉莉素馨建蘭麝香藤朱槿玉桂紅蕉
閣婆簷葡萄等南花數百盆於廣庭鼓以風輪清
芬滿殿御筮兩旁各設金盆數十架積雪如山
紗厨後先皆懸掛伽蘭木真蠟龍涎等香珠百

餘蔗漿金盃珍果玉壺初不知人間有塵暑也
聞洪景廬學士嘗賜對於翠寒堂當三伏中體
粟戰慄不可久立上問故笑遣中貴人以北綾
半臂賜之則境界可想見矣

都人避暑

六月六日顯應觀崔府君誕辰自東都時廟食
已盛是日都人士女駢集炷香已而登舟汎湖
爲避暑之遊時物則新荔枝軍庭李二果產閩

奉化項里之楊梅聚景園之秀蓮新藕蜜筒甜
瓜椒核桃杷紫菱碧芡來禽金桃蜜漬昌元梅
木瓜豆兒水荔枝膏金橘水糲麻飲芥辣白醪
凉水冰雪爽口之物關撲香囊畫扇涎花珠佩
而茉莉爲最盛初出之時其價甚穹婦人簇帶
多至七插所直數十券不過供一餉之娛耳蓋
入夏則遊船不復入裏湖多占蒲深柳密寬涼
之地披襟釣水月上始還或好事者則敞大舫

設蘄簟高枕取涼櫛髮快浴惟取適意或留宿
湖心竟夕而歸

乞巧

立秋日都人戴楸葉飲秋水赤小豆七夕節物
多尚果食茜鷄及泥孩兒號摩睺羅有極精巧
飾以金珠者其直不貲併以蠟印鳧鴈水禽之
類浮之水上婦人女子夜對月穿鍼餽奩盃盤
飲酒爲樂謂之乞巧及以小蜘蛛貯合內以候

結網之疎密爲得巧之多少小兒女多衣荷葉
半臂手持荷葉效顰摩睺羅大抵皆原舊俗也
七夕前脩內司例進摩睺羅十卓每卓三十枚
大者至高三尺或用象牙雕鏤或用龍涎拂手
香製造悉用鏤金珠翠衣帽金錢釵鈿佩環真
珠頭鬢及手中所執戲具皆七寶爲之各護以
五色鏤金紗厨制閫貴臣及京府等處至有鑄
人爲貢者宮姬市娃冠花衣領皆以乞巧時物

爲飾焉

中元

七月十五日道家謂之中元節各有齋醮等會
僧寺則於此日作盂蘭盆齋而人家亦以此日
祀先例用新米新醬冥衣時果綵段麩基而茹
素者幾十八九屠門爲之罷市焉

中秋

禁中是夕有賞月延桂排當如倚桂閣秋暉堂

前正林舊事 卷三
碧岑皆臨時取旨夜深天樂直徹人間御街如
絨線蜜煎香舖皆舖設貨物誇多競好謂之歇
眼燈燭華燦竟夕乃止此夕浙江放一點紅羊
皮小水燈數十萬盞浮滿水面爛如繁星有足
觀者或謂此乃江神所喜非徒事觀美也

觀潮

浙江之潮天下之偉觀也自既望以至十八日
爲最盛方其遠出海門僅如銀線既而漸近則

玉城雪嶺際天而來大聲如雷霆震撼激射吞
天沃日勢極雄豪楊誠齋詩云海濶銀爲郭江
橫玉繫腰者是也每歲京尹出浙江亭教閱水
軍艨艟數百分列兩岸旣而盡奔騰分合五陣
之勢并有乘騎弄旗標槍舞刀於水面者如履
平地倏爾黃烟四起人物畧不相覩水爆轟震
聲如崩山烟消波靜則一舸無迹僅有敵舟爲
火所焚隨波而逝吳兒善泅者數百皆被髮文

身手持十幅大綵旗爭先鼓勇泝迎而上出沒於鯨波萬仞中騰身百變而旗尾畧不濡濕以北誇能而豪民貴宦爭賞銀綵江干上下十餘里間珠翠羅綺溢目車馬塞途飲食百物皆倍穹常時而僦賃看幕雖席地不容閒也禁中例觀潮於天開圖畫高臺下瞰如在指掌都民遙瞻黃繖雉扇於九霄之上真若簫臺蓬島也

重九

禁中例於八日作重九排當於慶瑞殿分列萬菊燦然眩眼且點菊燈畧如元夕內人樂部亦有隨花賞如前賞花例蓋賞燈之宴權輿於此自是日盛矣或於清燕殿綴金亭賞燈橘遇郊祀歲則罷宴

都人是月飲新酒泥萸

簪菊且各以菊糕爲饋以糖肉秫麩雜揉爲之上縷肉絲鴨餅綴以榴顆標以綵旗又作蠻王獅子於上及麋栗爲屑合以蜂蜜印花脫餅以

爲果餌又以蘇子微漬梅涵雜和蔗霜梨橙玉
榴小顆名曰春蘭秋菊雨後新涼則已有炒銀
杏梧桐子吟叫於市矣

開爐

是日御前供進夾羅御服臣僚服錦襖子夾公
服授衣之意也自此御爐日設火至明年二月
朔止皇后殿開爐節排當是月遣使朝陵如寒
食儀都人亦出郊拜墓用絲毬楮衣之類

冬至

朝廷大朝會慶賀排當並如元正儀而都人最
重一陽賀冬車馬皆華整鮮好五鼓已填擁雜
遷於九街婦人小兒服飾華炫往來如雲獄祠
城隍諸廟炷香者尤盛三日之內店肆皆罷市
垂簾飲博謂之做節享先則以餛飩有冬餛飩
年餼飩之諺貴家求竒一器凡十餘色謂之百
味餛飩

賞雪

禁中賞雪多御明遠樓

禁中稱楠木樓

後苑進大小雪

獅兒並以金鈴綵縷為飾且作雪花雪燈雪山之類及滴酥為花及諸事件並以金盆盛進以供賞翫并造雜煎品味如春盤餽飣羊羔兒酒以賜併於內藏庫支撥官券數百萬以犒諸軍及令臨安府分給貧民或皇后殿別自支犒而貴家富室亦各以錢米犒閭里之貧者

歲除

禁中以臘月二十四為小節夜三十日為大節夜呈女童驅儺裝六丁六甲六神之類大率如夢華所載後苑脩內司各進消夜果兒以大合簇飣凡百餘種如蜜煎珍果下至花餿箕豆以至玉杯寶器珠翠花朵犀象博戲之具銷金斗葉諸色戲弄之物無不備具皆極小巧又於其上作玉輅高至三四尺悉以金玉等為飾護以

前正木書事卷三
貼金龍鳳羅罩以奇侈求勝一合之費不啻中
人十家之產止以資天顏一笑耳后妃諸閣又
各進歲軸兒及珠翠百事吉利市袋兒小樣金
銀器皿并隨年金錢一百二十文旋亦分賜親
王貴邸宰臣巨璫至於爆仗有爲果子人物等
類不一而殿司所進屏風外畫鍾馗捕鬼之類
而內藏藥線一藝連百餘不絕簫鼓迎春鷄人
警唱而玉漏漸移金門已啓矣

歲晚節物

臘月賜宰執親王三衙從官內侍省官并外闈
前宰執等臘藥係和劑局方造進及御藥院特
旨製造銀合各一百兩以至五十兩三十兩各
有差伏日賜暑藥亦同

都下自十月以來朝天門內外競售錦裝新曆
諸般大小門神桃符鍾馗狻猊虎頭及金綵縷
花春帖旛勝之類爲市甚盛八日則寺院及人

家用胡桃松子乳蕈柿栗之類作粥謂之臘八
粥醫家亦多合藥劑侑以虎頭丹八神屠蘇貯
以絳囊饋遺大家謂之臘藥至於餽歲盤合酒
檐羊腔克斤道路二十四日謂之交年祀竈用
花餽米餌及燒替代及作糖豆粥謂之口數市
井迎儺以鑼鼓遍至人家乞求利市至除夜則
比屋以五色錢紙酒果以迎送六神于門至夜
黃燭杙盆紅映霄漢爆竹鼓吹之聲 闌徹夜

謂之聒廳小兒女終夕博戲不寐謂之守歲又
明燈牀下謂之照虛耗及貼天行帖見財門于
楣祀先之禮則或昏或曉各有不同如飲屠蘇
百事吉膠牙餽燒木賣慵等事率多東都之遺
風焉守歲之詞雖多極難其選獨楊守齋一枝
春最爲近世所稱併書于此竹爆驚春競喧闐
夜起千門簫鼓流蘓帳暖翠鼎緩騰香霧停杯
未舉奈剛要送年新句應自賞歌字清圓未誇

上林鶯語從他歲窮日暮縱閒愁怎減劉郎風
度屠蘓辦了迤邐柳忻梅妬宮壺未曉早驕馬
繡車盈路還又把月夕花朝自今細數

高寄齋訂正武林舊事卷之四

紫雲 壽聖殿 集英 殿 泗水潛 夫輯

垂拱 殿 文憲 殿 繡水 沈元熙校

王故都宮殿 合味 顧雲鳳

門 闕門 麗正 門南 和寧 門北 東華 門東 西華 門西

苑東 苑西 北宮

南宮

南水門

東水門

會通

上閣

宣德

隔門

斜門

關門

玉華閣

含和

貽謨

二門係天章閣

殿

垂拱

常朝四參

文德

六參宣布

大慶

明堂朝賀

紫宸

生壽

集英

策士

高宗亦以上謂之正朝亦有隨事更名者

後殿

延和

宿齋避殿

崇政

即祥曦

福寧

寤殿

復古

高宗建

選德

孝宗建御屏有監司郡守姓名

緝熙

理宗建

熙明

即脩政度宗建

明華

清燕

膺福

慶瑞

即順慶理宗改

射殿

需雲

大燕

符寶

貯恭膺天命之寶

嘉明

度宗以釋已堂改

明堂

即文德合祭改

坤寧

皇太后

穠華

皇太后

慈明

楊太后累朝母后皆旋更名

慈元

謝太后

仁明

全太后

進食

即勤政

欽先

神御

孝思

神御

清華

堂

翠寒

高宗以日本羅木建古松數十株

澄碧觀堂

芳春

凌寒

鍾美

牡丹

燦錦

海棠

燕喜

靜華

清賞

稽古

御書院

清遠

清徹

澄碧

水堂

藥淵

環秀

山堂

文圃

御書院

書林

御書院

萃館

衍秀

披香

德勤

雲錦

荷堂

清霽

萼綠華

梅堂度宗易名瓊姿

碧琳

凝光

澄輝

繡香

呈芳

會景

青花石柱香楠祇額瑪瑙石砌

正始

后殿謝后改壽寧殿

怡然

惠順位

信美

婉容位

齋

損齋 高宗建

彙齋

謹習齋

燕申齋

樓

博雅 書樓

觀德

萬景

清暑

清美

明遠

倚香

閣

龍圖 太祖太宗

天章 真宗並祀

寶文 宗仁

亭

清泳

清趣

清暉

清顯

清迴

清隱

清寒

清激放水

清翫

清興

靜香

靜華

春妍

春華

春陽

春信梅

融春

尋春

映春

餘春

留春

前代林言...

皆春

寒碧

寒香

香瓊

香玉

香界

碧岑

灩碧

瓊英

瓊秀

明秀

深秀

行秀

濯秀

錦煙

錦浪

繡錦

萬錦

麗錦

叢錦

照粧

浣綺

綴金

綴瓊

穠香

暗香

晚節香

巖香

雲岫

映波

含暉

達觀

秀野

凌寒

涵虛

平津

真賞

方遠

垂綸

魚樂

噴雪

流芳

芳嶼

玉質

此君

聚芳

延芳

蘭亭

前正林信事卷四

六

激湍

崇峻

惠和

浮醴

泛羽

並流亭

凌穹

山頂

迎熏

會英

正巳

射亭

丹暉

凝光

雪逕

梅

參月

共樂

迎祥

瑩粧

植杖

村莊

可樂

文杏

壺中天

別是一家春

度宗初册或謂此非佳識也未幾果驗

園

小桃源

杏塢

梅岡

瑤圃

村莊

桐木園

巷

寂然

怡真

坡

瑪瑙

洗馬

橋

前武林舊事卷四

萬歲

清平

春波

玉虹

泉

穗泉

御舟

蘭橈

荃橈

旱船

教場

南教場

北教場

禁中及德壽宮皆有大龍池萬歲山嶽
 西湖冷泉飛來峯若亭榭之盛御舟之
 華則非外間可擬春時競渡及買賣諸
 色小舟並如西湖駕幸宣喚錫賚鉅萬
 大意不欲數蹕勞民故以此為奉親之
 娛耳

御園

聚景園

清波門外孝宗致養之地堂扁皆孝宗
御書淳熙中屢經臨幸嘉泰間寧宗奉
成肅太后臨幸其後並皆危蕪不脩高
疎寮詩云翠華不向苑中來可是年年
惜露臺水際春風寒漠漠官梅却作野

梅開

會芳殿

瀛春堂

攬遠堂

芳華堂

花光亭

遙津

翠光

桂景

灑碧

涼觀

瓊芳

彩霞

寒碧

柳浪橋

學士橋

玉津園

嘉會門外紹興間北使燕射于此淳熙
中孝宗兩幸紹熙中光宗臨幸

富景園

新門外孝宗奉太后臨幸不一俗呼東

花園

屏山園

錢湖門外以對南屏山故名理宗朝改名翠芳園餘見西湖門

玉壺園

錢塘門外本劉鄜王園有明秀堂餘見

西湖門

集芳園

葛嶺元係張婉儀園後歸太后殿內有

古梅老松甚多理宗賜賈平章舊有清

勝堂望江亭雪香亭等餘見西湖門

瓊華園

小隱園

延祥園

西依孤山為林和靖故居花寒水潔氣

象幽古三朝臨幸餘見西湖門

瀛嶼

在孤山之椒舊名涼堂四壁蕭照畫山

水理宗易今名今為太一宮黃庭殿

挹翠堂

舊名黑漆堂理宗御書

清新

舊六椽堂

香月

倚裏湖舊名水堂理宗御書

香遠

舊秀蓮亭

白蓮堂

六一泉堂

檜亭

梅亭

上船亭

東西車馬門

西村水閣

御舟港

林逋墓

陳朝檜

有御書詩

金沙井

瑪瑙坡

六一泉

高疎寮詩云水明一色抱神州雨壓輕

塵不敢浮山北山南人喚酒春前春後

客凭樓射熊館暗花扶屐下鵠池深柳

拂舟白髮邦人能道舊君王曾奉上皇遊

德壽宮

孝宗奉親之所

聚遠樓

高宗雅愛湖山之勝恐數蹕煩民乃於宮內鑿大池引水注之以象西湖冷泉壘石為山作飛來峯因取坡詩賴有高樓能聚遠一時收拾與人間名之周益公進端午帖子云聚遠樓高面面風冷泉亭下水溶溶人間炎熱何由到真是瑤臺第一重孝宗御製冷泉堂詩以進

高宗和韻真盛事也

香遠堂

荷

清深堂

竹

松菊三徑

菊芙蓉容竹

梅坡

月榭

清妍

茶蘼

清新

桂

芙蓉岡

已上並東地分

射廳

載忻堂

御宴之所

臨賦

荷池

粲錦

金林檎

至樂

池上

清曠

桂

半綻紅

李郁

瀉碧

金魚池已上並南地分

冷泉堂

古梅

文杏館

靜樂

射

浣溪

海棠已上並西地分

絳華

羅木堂

旱船

俯翠

茅亭已上並北地分

重華宮

孝宗內禪所居即德壽宮

慈福宮

憲聖壽成二太

后所居即重華宮

壽慈宮

即慈福宮初改重壽殿

東宮

資善堂

鳳山樓

榮觀堂

玉淵堂

清賞堂

新益堂

繹巳堂

射圃

乾淳教坊樂部

雜劇色

德壽宮

劉景長

使臣

王喜

保義郎頭名都管使臣又名八謹號玩隱老人

茅山重

茅芽頭

蓋門貴

蓋門慶

木

侯諒

次末侯大頭

張順

曹辛

宋興

燕子頭

李泉現

引兼舞三臺

衙前

龔士美

使臣都管

劉恩深

都管

陳嘉祥

節級

吳興祐

德壽宮引
兼舞三臺

吳賦

金彥昇

管幹
教頭

王青

孫子貴

引

潘浪賢

引兼末
部頭

王賜恩

引

吳慶全

蠟燭
頭

周泰

次

郭名顯

引

宋定

次德壽
宮蚌蛤

頭

劉信

副部
頭

成貴

副

陳烟息

副大
口

王侯喜

副

孫子昌

副末
節級

焦色金

楊名高

末

宋昌榮

副歡
喜頭

前教坊

伊朝新

王道昌

前鈞容直

杵穀豐

五味
粥

李外善

和顧

劉慶

次劉
袞

梁師孟

朱和

次貼
前鱗魚

頭

審貴

審
鑲

蔣寧

次貼
前利市

頭

司進

絲瓜
兒

郝成

次貼
前小鋏

高門興

高門顯

羔兒
頭

高明

燈搭
兒

張舜朝

趙民歡

司政

仙鶴兒

劉貴

段世昌

段子貴

龔安節

嚴父訓

宋朝清

宋昌榮

二名守衙

前

周旺

丈人頭

下疇

宋吉

伊俊

汪泰

王原全

次貼衙前

王景

鄭喬

王來宣

張顯

守闕祗應黑俏

焦喜

焦梅頭

歌板色

德壽宮

李行高

兼節

衙前

王信

兼拍

拍板色

衙前節色王均感策色鄭彥周賢良兼拍板

德壽宮

劉益

使臣

謝春澤

衙前

吳興祖節級

趙永頭部

花成

時世俊守闕節級

前鈞容直

崔喜

琵琶色

衙前豪師古兼琵琶

德壽宮

胡永年

武功大夫

謝聖澤

衙前

焦進頭部

趙昌祖

段從容

和顧

吳良輔

豪士英

曹彥國

簫色

衙前

曾延慶頭部

劉珮

周濟頭部

和顧

朱世昌兼箏

王謹

劉宗旺

周亨

陳籥

稽琴色

德壽宮

曹友聞

承節郎守
關都管

衙前

楊春和

人員守
關都管

魏國忠

節級
兼舞

孫良佐

石俊

馮師賢

和頤

劉運成

趙進

杖鼓
兼

惠和

馮師賢

王處仁

箏色

德壽宮

朱邦直

忠訓
郎

衙前

張行福

頭部

豪士良

高俊

前教坊

聶廷俊

前鈞容直

李吉

笙色

德壽宮

湯士成

衙前

宋世寧節級

豪師古兼琵琶

傅紹管幹人

孫顯祖

鄧孝仁

趙福兼德壽宮

前鈞容直

吳勝

前教坊

劉永顯

和顧

張世宗

康彥和

王興祖

威築色

德壽宮

田正德

教坊大使

鞠思忠

孫慶祖

劉舜俞

陳永良

衙前

李祥

守闕節級

仇彥

節級

王恩

節級

李和

節級

時世榮

節級

王正德

王道和

慢守恭

李遇

金宗信

兼德壽宮

鄭彥

兼拍板

張勺

劉道

曹彥興

吳良佐

朱貴

管幹人

孟誠

陳祐

丘彥

管幹人

鄧孝元

王永

周賢良

陳師授

兼德壽宮

陳永良

前教坊

戚興道

李彥美

郭席珍

前鈞容直

王宣

唐政

和顧

于慶兼舞

馮宣

王椿

倪潤

李祥

守闕都級

陳繼祖

季倫

張彥明

陳良璿

馮異

商翼

時世顯

王文信

王延慶

謝潤

張榮

第三名守闕前

時顯祖

費仍裕

任再興

李樂正

秦邦彥

鄭彬

時允恭

金潤

王壽

王思齋

于成

孫良輔

崔顯

盧茂春

王師忠

宋康寧

張端

顧宣

王仲禮

郭建宗

劉順

守闕前

笛色

德壽宮

元守正

忠朝郎

孫福

臣

孫繼祖

張行謹

高前都管

孫福

使臣

朱榛

人員守關都管

張守忠

節級

楊勝

節級

王喜

節級

張師孟

節級

岳興

節級

李智友

段從禮

朱順

陳俊

雷興祖

王仕寧

王寶

節級

孫進

郭彥

楊選

兼德壽官

金儀

趙俊

守關節級

趙順

楊元慶

時定

趙興祖

陰顯祖

丘遇

徐識

孫顯

王鈞

兼德壽宮拍板

張榮

郭亨

元舜道

前教坊

金宗訓

俞德

謝祖良

會延廣

李進

前鈞容直

王喜

俞德

冀恩

和顧

張億

茆慶

張師顏

劉國臣

趙昌

張廣

元舜臣

沈琮杖鼓

胡良臣

王師仲

徐亨

張義

林顯

鄭清

陳士恭

巫彥

朱世榮

朱紹祖

翟義

張孝恭

汪定

費興

李昇

馮士恭

陳寶

楊善

尹師授

張介

賀宣

朱榮

朱元

守闕衙前

軒定

杖鼓

張成

板鼓

閻興

板鼓

王和

板鼓

陳煥

張世亨

許珍

張淵

孫顯宗

崔成

守關
衙前

方響色

德壽宮

齊宣

田世榮

衙前

葛元德

部頭

于喜

齊宗亮

管山人

前鈞容直

高福

和顧

馬仲榮

尹朝

于通

劉才高

杖鼓色

德壽宮

張名高

孟清

衙前

高宣節級

時思俊

守闕節級
部頭兼板

程盛

齊喜

孟文叔

守闕
節級

時和

鄧友端

徐宗旺

吳興福

兼德
壽宮

鄧世榮

張興祿

管幹
人

葉喜

前教坊

鞠端

前鈞容直

閻興

邢智

和顧

張士成

張潤

張義

張世昌

張世顯

孫榮

段錦新

蔡顯忠

齊宗景

郭興祖

時康寧

高潤

張臯

傅良佐

李晉臣

思芸

范琦

段錦

大鼓色

德壽宮

張佑

李吉

衙前

董福頭部

李進

周均小唱

張佑兼德壽宮

和顧

趙慶鼓兒

劉成

孫成鼓兒習學大鼓

王富勾般習學大鼓

尹師聰鼓兒

張守道唱道情

張昇鼓兒

宋棠掌儀下書寫文字

喻祥小唱

錢永守闕衙前

舞旋稽琴魏國忠琵琶豪士英並兼舞三臺

德壽宮

劉良佐武德郎

衙前

杜士康

和顧

于慶

雜劇三甲

劉景長一甲八人

戲頭李泉現 引戲吳興佑

次淨荊山重侯諒周泰 副末王喜

裝旦吳子貴

蓋門慶進香一甲五人

戲頭孫子貴 引戲吳興佑

次淨侯諒 副末王喜

內中祇應一甲五人

戲頭孫子貴 引戲潘浪賢

次淨劉袞 副末劉信

潘浪賢一甲五人

戲頭孫子貴 引戲郭名顯

次淨周泰 副末成貴

築毬三十二人

左軍一十六人

毬頭張俊 蹺毬王憐 正挾朱選

副挾施澤 左竿網丁詮 右竿網張

林 散立胡椿等

右軍一十六人

毬頭李正 蹺毬朱珍 正挾朱選

副挾張寧 左竿網徐賓 右竿網王

用 散立陳俊等

雜班

雙頭侯諒 散耍劉衮劉信

小樂器

嵇琴曹友聞 簫管孫福 箏劉運成

拍侯諒

鼓板

衙前一火

笛楊勝張師孟

鼓兒尹師聰

拍張順

和顧二火

笛張成

老僧

閻俊

望伯

張喜

鼓兒張昇

笛王和

小四

鼓兒孫成

換僧

拍張榮

狗兒

馬後樂

拍板吳興祖

威築田正德

孫慶祖

陳師授

笛孫福

時寶

元守正

提鼓孫子貴

札子孟清

時世俊

高宣

吳興福

張興祿

內中上教博士

王喜

劉景長

曹友聞

朱邦直

孫福

吳永年

各支月銀

兩一十

雜劇

王喜

侯諒

吳興福

吳興佑

劉景長

張順

拍板

田正德

謝春澤

琵琶胡永年

舞劉良佐

嵇琴

曹友聞

楊春和

箏

朱邦直

方響

齊宣

笙

楊士成

簫

劉運成

感策

孫慶祖

笛

孫福

時寶

掌儀範等合千人

掌儀範

朱邦直

曹友聞

元守正

孫福

朱榛守關

衙前都管

劉思係

孫福

王公謹守關

管幹教頭

朱貴

張興祿

丘彥

傅紹

齊宗亮

逐色部頭

劉信

趙永

焦進

周濟

楊春和

宋世寧

李和

時世榮

時寶

岳興

葛元德

高宣

董福

時世俊

杜士康

潘浪賢

正武林舊事卷之四終

高寄齋訂正武林舊事卷之五

泗水潛夫輯

繡水沈中英校

顧雲鵬

湖山勝槩

南山路

自豐樂樓南至暗門錢湖門外入赤山煙霞石屋止南高峯方家峪大小麥嶺並附

於此

豐樂樓

舊爲衆樂亭又改聳翠樓政和中改今名
淳佑間趙京尹與憲重建宏麗爲湖山冠
又甃月池立秋千梭門植花木構數亭春
時遊人繁盛舊爲酒肆後以學館致爭但
爲朝紳同年會拜鄉會之地林暉施北山
皆有賦趙忠定柳梢青云水月光中煙霞

影裏湧出樓臺空外笙簫雲間笑語人在
蓬萊天香暗逐風回正十里荷花盛開買
箇小舟山南遊遍山北歸來吳夢窻嘗大
書所賦鶯啼序于壁一時爲人傳誦

湖堂

舊在聳翠樓側又有集賢亭今並不存

呂洞賓祠

舊傳洞賓嘗至此

靈芝之崇福寺

錢王故苑以芝生其間捨以為寺故名靈芝高宗孝宗嘗到凡四臨幸有浮碧軒依光堂亦為新進士會拜題名之所朱靜佳有詩云黃金匝地小橋通四面清平納遠空雲氣長扶天子座日光浮動梵王宮殘碑幾字莓苔雨清磬一聲楊柳風沙鳥不知行樂事昔人飛過夕陽東

顯應觀

祀磁州神崔府君六月六日生朝遊人甚盛咸淳間改昭應今歸靈芝寺舊有蕭照山水及蘓漢臣畫壁今不復存矣

楊郡王府上船亭

聚景園 詳見御園門

靈應堂

俗呼包道堂

寶蓮院

紫霄宮廨院

寶成院

舊名釋伽

興福院

永隆院

慧光尼菴

張循王府

省馬院船步

內有正覺超化二院

長橋

妙淨院

寶德寺

楊和王重建克三衙建聖節道塲

希夷道堂

劉蕞衣建于南屏園左今移于此

真珠園

有真珠泉高寒堂杏堂木心亭御港曾經

臨幸今歸張循王府

南園

中興後所創光宗朝賜平原郡王韓侂胄
陸放翁為記後復歸御前改名慶樂賜嗣
榮王與芮又改勝景有許閒堂和容射廳
寒碧臺藏春門凌風閣西湖洞天歸耕莊
清芳堂歲寒堂夾芳豁望衿春鮮霞忘機
照香堆錦遠塵幽翠紅香多稼晚節香等

前正木會事卷五
亭秀石爲山內作十樣錦亭并射圃流杯
等處并陽翁詩云清芳堂下千株桂猶是
韓家舊賜園白髮老翁和淚說百年中見
兩平原又云舊事淒涼尚可尋斷碑空臥
草深深凌風閣下槎牙樹當日人疑是水
沉

雷峯顯嚴院

郡人雷氏所居故名雷峯錢王妃建寺築

塔名王妃塔或云地產黃皮遂譌爲黃皮

塔山頂有通玄亭望湖樓

普寧寺

又名白蓮有鐵塔一石塔二

雲濤觀

淨相院

舊名瑞相有無盡意閣娛客軒一段奇軒
幽深可喜今皆不存

上清宮

葛仙鍊丹舊址道士胡瑩微祖築菴鄭丞

相清之曾此讀書淳祐中重建賜今額理
宗御書清淨道院

甘園

內侍甘昇園又名湖曲曾經臨幸至今有
御愛松望湖亭小蓬萊西湖一曲後歸趙
觀文又歸謝節使弁陽翁詩云小小蓬萊
在水中乾淳舊賞有遺踪園林几換東風
主留得庭前御愛松

御船坊

理宗御
舟在焉

淨慈報恩光孝禪寺

孝宗常臨幸山曰南屏有慧日峯舊名慧
日永明太宗賜壽寧院額孝宗御書慧日
閣有千佛閣五百羅漢堂理宗御書華嚴
法界正徧知閣等額梁貞明大鐵鍋存焉
畫壁作五十三參等寺後菴宇甚幽大抵
規模與靈隱相若故二寺號南北山之最

東坡詩云臥聞禪老入南山淨掃風塵五百間其弘壯自昔已然今益侈大矣

南山昭慶院

惠照寺

後為齋宮今歸淨慈

南屏御園

正對南屏又名翠芳

南屏興教寺

舊名善慶有齊雲亭清曠樓米元章書琴臺及唐人磨崖八分家人卦中庸樂記篇後人於石傍刊右司馬溫公書六字其實

非也

廣法院

齊王功德院有清曠亭

法因院

景獻太子殯所有古鐵塔錢王井

寶林院

莊文太子殯所舊名總持有可賦軒

赤山殯宮

舊瑞龍寺後為安穆成恭慈懿恭淑四后殯所今為熾盛光寺

脩吉寺

舊瑞龍寺移于此有西湖奇艷

正濟寺

又名普門

法雨寺

舊名水心又改雲龍有趙清獻楊無為題名等

安福尼寺

極樂尼寺

高麗寺

舊名惠因寺湖山間惟此寺無勅額元豐間高麗王子僧統義天入貢學賢首教于此因施金建華嚴閣有易菴期懺堂皇姑成國公主殯所

玉岑山

惠因橋

秦少游龍井記游所謂濯足于惠因

澗即此

廣果寺

開化尼寺

六通慈德院

舊名惠德塔

法興寺

保福院

長耳相院

舊名法相

定光菴

有定無泉

永慶院

延長真如院

延壽山

淨梵院

舊名瑞峯

崇教院

石屋洞

大仁院有石菴天成石羅漢其洞後又一

洞名蝙蝠洞

水樂洞

院名西閔淨化卽滿覺院山孝宗時賜李
秉慈明殿賜楊郡王後歸賈平章山石奇
秀中一洞嵌空有聲以此得名有聲在堂
界堂愛此留照獨喜玉淵漱石宜晚上下
四方之宇諸亭及金蓮池

滿覺院

舊名圓興今在水樂洞嶺傍

石佛接待菴

煙霞洞

清脩院有象鼻石佛手巖石羅漢東坡留
題等

歸雲菴

寧宗時水菴清禪師坐禪石窟中聞南峯
鐘鳴遂大悟今改永興菴

關真人道院

小龍井

井側有龍王祠

南高峯塔

榮國寺有白龍祠五顯祠險峻甚於北峯
中有墜石相傳云昔有道者鎮魔于此又
有潁川泉

方家峪

自方家峪至冷泉峪慈雲嶺泥路嘉會門
外至大慈山龍山

遇真道院

悟真道院

崇真道院

廣教院

號小南屏

褒親崇壽寺

在鳳皇山劉貴妃功德有鳳凰泉瑞應泉
松雲亭觀音洞筆架池偃松交枝檜三門
有陳公儲畫龍甚奇弁陽翁詩云翟羽鸞
綃事已空奉壘遺寺對高松宮斜鳳去無
人見且看門前粉壁龍奉華劉妃閣名

西蓮瑞相院

黃貴妃功德

地藏尼寺

慈光尼寺

張府功德

廣慈院

舊名廣福

寶藏院

有烏龍井錢武肅廟碑今錢氏五王廟在焉

寧親廣福院

陳淑妃香火院雖小而幽邃可喜

福全尼寺

廣嚴院

舊名妙嚴有徐正節墓

淨教院

蔡貴妃墳所

安福禪院

內侍陳都知香火名小陳寺

水月寺

路口有靈固石

崇教院

舊名薦福有珍珠泉

華津洞

趙冀王府園水石甚奇勝有仙人棋臺

西林法惠院

舊名興慶錢王建有雪齋秦少游記東

坡詩

冷水峪

梯子嶺

慈雲嶺

淨明院

郊壇齋宮有易安齋梅巖高孝兩朝御和

詩滿皆櫻栢舊有江月菴筇鳥亭

龍華寶乘院

本錢王瑞萼園捨建有傳大士塔并栢板門槌猶存有溫公祠堂題名

天華寺

鏡清禪師道場舊名千春龍冊有頤軒妙

因樓化生池

感業寺

舊名天龍有木觀音像

勝相院

舊名龍興千佛有五丈觀音像二并閣釋

迦丈六金身像

大通院

舊名顯明

天真院

舊名登雲臺有靈化洞

龍華山

有石如龍與兩石龍寺接

下石龍淨勝院

上石龍永壽院

舊名資賢石崖刻仁宗佛牙贊

郊臺

錢王郊臺亦近焉

道林院

舊名普濟

大慈寺

般若院

寶惠院

舊名普濟

錢王墳

文穆忠獻二王墳在此

長慶崇福院

皇叔祖太師
和王功德

窪池

一名烏菱池

聖果寺

在包家山

真覺院

舊名奉慶有東坡瑞香花詩

包家山桃花關

桃花甚盛舊有蒸霞二字春日遊人甚多

法雲寺

舊名資崇

大慈山

舊有廣福金書院額

虎跑泉

舊傳性空禪師居此無泉二虎跑地而出

東坡詩云虎移泉眼趁行脚龍作浪花供

撫掌

乾溪寨

小楊寺

香巖寺

小麥嶺

飲馬橋前後至龍井止九溪十八澗

道人山

有石洞

飲馬橋

地名放馬場

旌德顯慶教寺

咸淳甲戌冬改旌德襲慶慈明太后香火

方丈有軒曰雲扉後山有泉石甚奇曰林泉有清壑凝紫靜雲等諸亭

南山禪關 舊名龍井路今又改南天竺

仰妃墓 吳越錢王妃 梅坡園 楊郡王園又名總秀

靈隱觀

寧宗朝張知宮勅御書冲隱菴淳祐中道士范善遷重建賜名今額今菴在觀右而觀改仁壽院矣

太清宮

寧宗時朱靈寶守固建楊太后書道德經刺石幢有歲寒軒養性凝神二堂後為賈貴妃功德今改觀音院

松菴 楊郡王府

崇德顯慶院

舊名棲真章滌質夫功德後為永王祈禱所章司徒墓

名得象樞使察之祖棲真院碑可考

翁五峯墓

名孟寅
字賓揚

徐典章墓

名申字幹臣
號青山翁

強金紫墓

名至字幾聖今石羊虎猶存其子文憲公

淵明墓在西溪鄉諸子亦多附此

陳拾遺墓

唐人歲久莫考名
字在積慶山下

冰壑書堂

金樞密淵號冰壑嘗作書堂于此因葬焉

積慶永清二山在後平鼎山在左湖山在

前凡錢塘城邑江湖之勝皆近在几席間

乃南北二峯中之最高一山也有君子天

一二泉理宗御書積慶山怡顏藏書農圃

以賜又賜功德寺名曰積慶教忠後不及

建而止

贊寧塔

天聖間
葬此

靈石山

薛開封墓

名居正
謚貞顯

崇因報德院

有靈石泉又名歲寒泉甚清高宗常臨幸
院與積慶山後永清院皆薛開府功德此
院已廢獨靈石塔猶存

淨林廣福院

關府楊慶菴祖墳土人呼爲上楊菴有松
關南泉芳桂亭姜白石與恬朴翁等四人
來遊詩云四人松下共盤桓筆硯花壺石
上安今昔興懷同此味老仙留字在孱顏

後爲演福寺遂廢

無垢寺

舊名無着乃無着禪師道場舊在石人嶺
慶元中韓平原以寺爲生墳遂移寺于此
嘉定十一年重修有雅鷄巖仙人臺清音
軒偃松下有茯苓因名泉爲茯苓泉後爲
演福寺遂廢

崇恩演福教寺

寶祐丁巳重建咸淳中改禪寺德祐後復
為教寺賈貴妃殯所周漢國端孝公主祔
焉舊山門有妙莊嚴城及生清淨心亭真
如亭諸天閣羅漢閣

鷄籠山

金鐘峯

褚家坎

漢末褚盛族
舊有居此者

白蓮院

相傳晉肇法
師講經于此

風篁嶺

小水樂

福邸
園

二老亭

後改德威舊在風篁嶺頭東坡辯才往來
于此皆有詩今移于龍井祠下

龍井

吳赤烏中葛稚川嘗鍊丹于此在風篁嶺
上巖壑林樾幽古石竇一泓清澈翠寒甘
美可愛雖久旱不涸石上流水處其色如
丹遊者視久水輒溢人去即減其深不可
測相傳與江海通有龍居之每禱雨必應

或見小蟹斑魚蜥蜴之類井傍有惠濟龍

王祠

陳寺丞墓

名剛中紹興中以言事與張狀元九成連坐謫知虔州安遠縣而卒後葬風篁嶺沙

盆塢

胡侯墓

名則知杭州廟在墓前

劉菴

孝宗朝劉婉容殯所今歸龍井寺

龍井延恩衍慶寺

辯才故地舊名報恩看經院後改壽聖東

坡書額猶存又改廣福元祐以來諸賢留

題甚多及東坡竹石廉宣仲枯木寺前有

過溪橋又名歸隱橋又名二老橋寺有方

圓菴寂照閣清獻趙公間堂訥齋潮音堂

滌心沼鏡清堂冲泉薩埵石辯才清獻東

坡三賢祠辯才塔諸天閣山有獅子峰

葉苔硯墓

元索字唐卿詩人

五雲山

中有真際院嶺上有天井

太旱
不竭

九溪十八澗

大麥嶺

法空寺

舊名資慶

南資聖院

漢王墳

花家山

盧園

內侍盧允昇園景物奇秀西湖十景所謂

花港觀魚即此也

淨安院

內侍董宋臣香火

崇真宮

昔為女冠今為永淨尼寺

茆家步

獨角門

淨嚴廣報院

內侍董永仲功德

隆興菴

楊寺解院

黃泥嶺

水陸菴

楊寺解院後名慶安院

妙心寺

水竹塢

西湖三堤路

蘓公堤自南新路直至北新路口小新堤

自麴院至馬蝗橋

蘓公堤

元和中東坡守杭日所築起南迄北橫截

湖面夾道雜植花柳中為六橋九亭坡詩

云六橋橫絕天漢上北山始與南屏通忽
驚二十五萬丈老葑席卷蒼煙空後守林
希榜之曰蘓公堤章子厚詩云天面長虹
一鑑痕直通南北兩山春

第一橋

港通赤山教
場名映波

旌德觀

元係定香寺舊址寶慶間京尹袁韶改建
爲觀有西湖道院虛舟雲錦二亭今復爲

定香寺

先賢堂

名仰高祠許由已卜共四十人刻石作贊
具載事迹中以寶慶初巴陵之事謂潘閻
有從秦王之嫌遂去之及節孝婦孫夫人
已下五人今止三十有九人焉中有振衣
古香清風堂山亭流芳花竹縈紆小山曲
逕今歸旌德堂宇皆廢

第二橋 通赤山麥嶺
路名鎖瀾

湖山堂 旁有水閣
尤宏麗

三賢堂

祠白樂天林和靖蘓東坡後有三堂曰水
西雲北月香水影晴光雨色後有小亭曰

虛舟曰雲錦

第三橋 通花家山
港名望山

第四橋 通茆家步港名壓
堤北新路第三橋

施水菴 名圓通有石臺
龍燈以照夜船

雪江書堂 胡賢良
旣所居

新水仙王廟 龍王祠與葛
嶺者為二

崇真道院 賈平章建後有
閣今改為僧寺

松窻 張濡
別墅 第五橋 通麴院港名東浦
北新路第二橋

第六橋 通耿家步港名跨
虹北新路第一橋

小新堤

淳祐中趙京尹與憲自北新路第二橋至
麴院築堤以通靈竺之路中作四面堂三
亭夾岸花柳比蘓堤或名趙公堤

履泰將軍廟

有天澤井葛仙翁所植虬松將軍錢塘人
姓孫名顯忠仕吳越時嘉熙中趙與權尹
京禱雨有驗奏聞因勅封天澤侯

楊園

楊和王府

永寧崇福院

又名小隱寺元係內侍陳源適安園近世
所歌菊花新曲破之事正係此處獻重華
宮為小隱園孝宗撥賜張貴妃寺前有澗

西曰雙峯又曰金沙

裴園

裴禧園誠齋詩云岸岸園亭傍水濱裴園
飛入水心橫傍人莫問遊何處只揀荷花
開處行

喬園

喬幼聞園

史園

史屏右

資國園

舊名報國有東坡書隱秀齋趙令時德麟跋語

淳固先生墓

斌姓宋號庸齋師晦菴先生

馬蝗橋

孤山路

西陵橋

又名西林橋又名西泠橋又名西村

孤山

舊有栢堂竹閣四照閣巢居閣林處士廬今皆不存

四聖延祥觀

有韋太后沉香四聖像小蓬萊閣瀛嶼堂

金沙井六一泉餘見御園類

西太乙宮

舊四聖觀園理宗朝建今黃庭殿乃昔涼

堂也兩壁蕭照畫尚存亭館名並見御園

類升陽詩云藥宮廣殿號黃庭突兀浮雲

最上層五福貴神留不住水堂空照九枝

燈有和靖墓瑪瑙坡陳朝栢

四面堂

處士橋

以和靖得名

涌碧橋

高菊磧墓

名九萬葬孤山後談家山

斷橋

又名段家橋萬柳如雲望如裙帶白樂天
詩云誰開湖寺西南路草綠裙腰一道斜
北山路

自豐樂樓北沿湖至錢塘門外入九曲路
至德勝橋南印道堂小溜水橋黃山橋掃
帚塢鮑家田青芝塢玉泉駝巘棲霞嶺東
山衙霍山昭慶教場水磨頭葛嶺九里松
靈隱寺石人嶺西溪路止三天竺附

柳洲

龍王廟

名會靈所謂柳洲五龍王也

惠明院

舊名資福今呼柳洲寺其

地舊為通元菴

上船亭

養魚莊

楊郡王府

環碧園

楊郡王府堂扁皆御書

迎光樓

張循王府

劉氏園

內侍劉公江所居

一清堂

後改玉蓮競渡爭標於此

菩提院

舊名惠嚴與昭慶寺相連有靈感大悲像

閣綠野白蓮堂碧軒四觀軒南漪迎熏澄

苦心涵碧玉壺瓊瑜今廢

玉壺御園 楊和王水閣

賈府上船亭 錢塘門上船亭

秀邸新園 謝府園 有一碧萬頃堂

隱秀園 劉郵王府 先得樓 即古望湖樓坡詩云望湖樓下

水連天是也 擇勝園 秀邸有御書擇勝愛間二堂

九曲城下 法濟院 舊名觀音院有明爽二軒

五聖廟 有蘓漢臣畫壁

妙因院 元係慈光菴

寶嚴院 真覺尼院 元係隱靜菴

錢氏園 華亭錢府 新嶽廟

東湖道院 關王廟 舊滿路種桃號半道紅

古北關 楊府驛宇 楊郡王府今捨為寺

玉虛觀 崇果院 德勝橋南舊名羅漢

印道堂 趙郭園

羅漢院 史府 今為慧日寺

水丘園

西隱精舍

豐樂院

鐵佛寺

梅岡御園

張氏園

王氏園

小溜水橋

精進院

齋宮舊名精脩

延慶院

澄寂院

桃花街

黃山橋

掃帚塢

萬花小隱

謝府園

常清宮

沂王功德

聚秀園

楊府

鮑家田

秀野園

謝府

南禪資福尼寺

極樂尼寺

思故塔

屠虛聖昭廟

廣慧侯

資壽院

元係大聖菴

明覺院

舊名報先有虛心軒

永菴

閩府

萬安院

舊名清化永安

慈聖院

舊名慈雲潘李二貴妃殯所有聖水池大旱不涸

羅寺

妙智院

舊名報國觀音

玉泉淨空院

泉色清澈蓄大金魚有龍王祠

西觀音山

青芝塢

愍忠資福普向院

楊和王建專克殿前諸軍功德及為諸軍瘞所

上閔寺

內侍閔少師功德名崇先顯慶

竹所

杜北山墓

汝能字叔謙太后諸孫居麴院能詩有聲

天清宮

冠女

靈峯院

裴氏功德

裴墳

有雙節亭

駝巘嶺

靈耀觀

西峯淨嚴院

感義郡王功德

大明院

圓明崇福禪寺

巖阿有井泉極

清列內侍霍汝弼功德

棲霞嶺

神仙宮

有偃松如龍名御愛松

乾濕水洞

有一寺在側

淨元觀

妙明院

東山術

不空院

舊名傳經

永安院

元係吳秦王府香火菴有清芬亭

護國仁王禪寺

後有龍洞龍王祠在焉

西靖宮

冠女

寧國院

廣照院

霍山

長慶院

舊名華嚴菴
主張王香火

張王廣惠廟

永慶院

光相塔院

山水
甚奇

湧泉

高宗嘗
取淪茗

清心院

舊名
湧泉

淫池園

呂氏

金輪梵天院

舊名金輪寺
後即巾子峯

寶勝院

舊名
應天

金牛護法院

洞明菴

天龍洞

道者開無
門所居

雲洞園

楊和王府有萬景天全方壺雲洞瀟碧天

木机雲錦紫翠間濯纓五色雲玉龍玲瓏金

粟洞天砌臺等處花木皆蟠結香片極其

華潔盛時凡用園丁四十餘人監園使臣

二名

大昭慶寺

與前菩提寺相連舊
名菩提寺有戒壇

策選鋒教場

古柳林

錢塘縣尉司

舊有平湖軒英游閣又有片石周益公字

之曰奇俊蓋相傳為王子高舊居故也

葛嶺路

水磨頭

石函橋

有水開泄湖水入下湖

放生亭

德生堂

理宗御書

泳飛亭

理宗御書

總宜園

水張太尉後歸趙平遠淇今為

西太乙宮

大吳園

小吳園

水月園

紹興中賜楊和王孝宗撥賜嗣秀王水月

瀛燕堂玉林堂皆御書

兜率院

葛嶺

葛仙常往來於此故得名亦名葛塢

十三間樓相嚴院

舊名十三間樓石佛院東坡守杭日每治

事于此有冠勝軒

軒

大石佛院

舊傳為秦皇纜船石俗名西石頭宣和中

僧思淨就石鑄成大佛半身或云下通海眼
保叔塔崇壽院

咸平中僧永保脩故得名有應天塔極樂
菴落星石石獅峯又名巾子峯及石屏風
在焉碑刻舊有屏峯院記封山記

寶稷山

敷惠廟

多寶院

舊名寶積
有綠陰堂

嘉澤廟祠

水仙有薦
菊泉及亭

孫花翁墓

惟信字季蕃隱居湖山棄官自放詩詞尤
工趙節齋墓之劉後村為誌杜清獻為文
以祭

普安院

挹秀園

楊駟
馬

秀野園

劉鄴王有
四并堂

上智果院

有參寥泉東坡
題梁廣王殯所

治平寺

有錦塢
煙雲閣

壽星院

有寒碧軒此君
軒觀臺杯泉平

秀軒明遠堂東
坡祠及詩刻

江湖偉觀

即觀臺舊址盡
得江湖之勝

寶雲菴

舊名千光王寺邵王殯所有寶雲菴清軒
月窟澄心閣南隱堂妙思堂雲巢今不復
存又有靈泉井寶雲菴初陽臺亦廢

瑪瑙寶勝院

昔在孤山後改爲四聖觀遂遷于此有中
庸子陶器墓乃法惠法師智圓自號也有
高生閣僕夫泉

養樂園

賈平章有光淥閣春雨觀瀟然養樂堂嘉

生堂生意思物之府

玉清宮

有葛仙
鍊丹井

半春園

史衛
王府

小隱園

史
府

集芳御園

後賜賈平章內有假山石洞通出湖濱名
曰後樂園有蟠翠雪香翠巘倚繡挹露玉
蓋清勝已上皆高宗御題亦集芳舊物也

西湖一曲奇勛理宗御書秋壑遂初容堂

度宗御書又有初陽精舍警室熙然臺無

邊風月見天地心琳琅步歸舟等不一

香月鄰

廖瑩中園後歸賈相

嘉德永壽教寺

毛娘娘功德有

翺泳堂芝巖

喜鵲寺

卽禪宗院以鳥窠禪師得名魏婉儀殯所

白樂天有紫楊花詩

寶嚴院

舊名垂雲有垂雲亭借竹軒無量福海

趙紫芝墓

名師秀在寶嚴院後

定業院

鳥窠禪師道場有君子泉石甌

山環峯亭堂襲夢軒

虎頭巘

介于寶嚴定業之間

施梅川墓

名喆字仲山吳人能詞精於律呂楊守齋

為寺後樹梅作亭以葬薛梯颺為誌李貧

房書周草窻題蓋

仁壽尼菴

招賢寺

前山林舊事卷五
上官良史墓

在招賢寺後良史
字季長號淇園

報恩院

舊名報先卽孤山六一泉寺後以其地爲
延祥觀遂遷于此德國公主殯

廣化院

舊名永福自孤山遷于此舊有白公竹閣
栢堂水鑑堂涵暉亭凌雲閣金沙井辟支
佛骨塔慧琳塔白公祠堂黃宜山詩云移

自孤山占此山荒涼老屋萬琅玕櫻桃楊

柳空花夢千古清風滿閣寒

快活園

趙氏

水竹院落

賈平章園御書閣曰奎文之閣有秋水觀
第一春思刻亭道院

顯明院

舊名興福保清儀王仲湜殯所有鑑空閣

綠淨堂

北新路口

棲霞嶺口

古劍關

棲霞嶺下

岳王墓

岳武穆王飛所葬其子雲亦附焉葉靖逸
詩云萬古知心只老天英雄堪恨復堪憐
如公少緩須臾歿此虜安能八十年漠漠
凝塵空偃月堂堂遺像在凌烟早知埋骨

西湖路悔不鳴夷理釣船林弓寮詩云天
意只如此將軍足可傷忠無身報主冤有
骨封王苔雨樓墻暗花風廟路香沉思百
年事揮淚灑斜陽王修竹詩云埋骨西湖
土一丘殘陽荒草幾經秋中原望斷因公
歿北客猶能說舊愁

褒忠演福院

元係智果觀音院後充岳鄂王香火岳雲

所用鐵鎗猶存

冲虛宮

舊名名寧壽菴

耿家步

東山衙口

福壽院

旌德寺子院有寧宗御書桂堂二字

廖葯洲園

有花香竹色心太平相在世綵愛君子習說等亭

小石板口

九里松一寺門

唐刺史袁仁敬守杭日植松於左右各三

行門扁吳說書高宗嘗欲易之自以不及

但金飾其宇

駝巘嶺口

石板巷口

麴院巷口

行春橋

小行春橋

忠勇廟

統制張祠

左軍教場

馬三寶墓

在教場內傳云向曾欲去之有黑蜂數百自墓中出不可向遂止至元十五年六月

內有軍廝名狗兒者因樵採墾土得一鐵

券上有字云鴈門馬氏葬於橫衝橋云云

後又有十字至元十五六狗兒壞我屋蓋

古人知數者耳始知橫春橋本橫衝橋云

三藏塔院

女冠今改為三藏寺

資德廟

慕容貴妃香火

萬壽院

南山白雲宗建

唐家衙

後澗溪

紫芝道院

道士陳崇真

瑞岡塢

燕脂嶺

以土色得名

普福教寺

崇壽院

崇親資福院

張淑妃香火

天申萬壽圓覺教寺

舊爲了義法師塔院有歸雲堂三昧正受

閣並高宗御書累朝臨幸有御座御榻理

宗御書清涼覺地

石獅子路

香林園

斑衣園

韓府

金沙澗

靈竺之水自此東入於湖

顯慈集慶教寺

閻貴妃香火寺扁殿閣皆理宗御書有月桂亭其佳金碧為湖山諸寺之冠

靈隱天竺寺門

俗呼二寺門袁居中書白樂天詩一山門作兩山門兩寺元從一寺分正此也

合澗橋

靈竺二山之水會合于此

龍脊橋

武林山

又曰靈隱山又曰靈苑山又曰仙居山上有五峯曰飛來曰白猿曰稽留曰月桂曰蓮華山前有澗即武林泉也

呼猿洞

龍泓洞

有蔣之奇篆字前後諸賢題字極多二洞在飛來峯

女兒山

一名玉女巖

青林巖

理公巖

乃靈隱開山惠理法師在靈鷲寺後

冷泉

有亭在泉上冷泉二字乃白樂天書亭字
乃東坡續書詩扁充棟不能悉錄林丹山
詩云一泓清可浸詩脾冷暖年來只自知
流向西湖載歌舞回頭不似在山時

溫泉醴泉

二泉在冷泉之上

葛塢

朱墅

候仙亭

壑雷亭

觀風亭

又有虛白見山袁君紫微翠微石橋月桂
等亭及丹竈隱居許邁思真二堂連巘棧
伏龍濺等今皆廢

景德靈隱禪寺

相傳靈隱禪寺乃葛仙翁書或云宋之間
書景德中續加景德二字有百尺彌勒閣

蓮峯堂方丈曰直指堂千佛殿延賓水閣
望海閣理宗御書覺玉寶殿妙莊嚴域又
有巢雲亭見山堂白雲菴松源菴東菴等
在山後尤幽寂可喜

北高峯塔

在靈隱寺山後絕頂比南高峯尤高上有
五顯祠遠近炷香四時不絕

法安院

舊名廣嚴唐韜光禪師築菴于院後有清
獻東坡題名

保寧院

舊名保安
無量壽

資聖院

舊名大明開
山咸澤禪師

韜光菴

韜光禪師道場與樂天同時周伯弼有詩
前後諸賢留題甚多舊有僧嘗於此降仙
請至釋子蘭以下十人凡七十三釋皆唐
人能詩者各書一詩語皆奇絕曲盡其景

今詩尚存壁間

永福寺

隆國黃夫人功德咸淳九年建在靈隱西

石筍山下

石筍普圓院

天福二年黃氏重脩舊名資嚴山有石如
筍高數十丈故名石筍寺有超然臺金沙
白沙二泉鄴公菴杭守祖無擇愛此山之

勝結菴於此取公所封名之方丈左右金
漆板扉皆趙清獻諸賢蘓秦陳黃留題及
文與可竹數枝如張總得父子吳傅朋等
題字甚多歲久暗淡猶隱七可見寺極清
古幽邃為湖山諸刹之冠後隆國黃夫人
以超然臺為葬地遂移此院于山之西而
古意不復存矣

天聖靈壽院

僧德賢建

鐵舌菴

隆親永福院

溫國成夫人
香火今廢

時思薦福寺

吳益王墳寺舊以下竺為墳寺後以古刹
遂別建于此高宗嘗臨幸吳太后手書金
剛經有楊太后跋及高宗御書心經並刻
石藏下竺靈山塔下益王神道碑蔣燦書
甚佳墓前二石馬琢刻如生舊傳夜輒馳
驟其鞅轡光瑩如玉至今苔蘚不侵寺有

宜對亭雙珠亭萬玉軒湖山至此極幽邃
矣

黃妃墓

錢王
妃

卓筆峯

明惠尼院

舊名定惠錢
王孫妃香火

石人嶺

海峯菴

無着禪師塔

舊有無垢院韓平原以為壽地遷院于靈
石山側後楊郡王復取為壽地遂啓其塔

乃陶龕容色如生髮垂至眉指爪皆遶身
舍利無數留三日不壞竟茶毗之僧肇淮
海有詩云一定空山五百年不須惆悵啓
顏輓路邊多少麒麟塚過眼無人贈紙錢
今地爲永福所有

西溪路

畢宮師墓

畢再遇之父
子皆葬於此

三天竺

自靈鷲至上
竺郎當嶺止

陳明大王廟

漢熹平餘杭令陳渾後唐長興中封太平

靈衛王

靈鷲興聖寺

惠理法師卓錫之地吳越王建有靈山海
會閣理宗御書理公巖滴翠軒九品觀東
坡祠東坡題名

隋觀法師塔

下竺開山
祖師真觀

下天竺靈山教寺

在隋號南天竺五代時號五百羅漢院祥符初號靈山寺天禧復名天竺寺紹興改賜天竺時思薦福爲吳秦王香火慶元復今額有御書閣藏仁宗及中興五朝御書曲水亭前塔跳珠泉枕流亭適安亭清暉亭九品觀堂石面靈桃石蓮華水波石悟侍者塔並祠草堂西嶺臥龍石石門潤神

尼舍利塔日觀菴方丈曰佛國山法堂二字乃雲房鍾離權書甚奇古金光明三昧堂神御殿瑞光塔普賢殿無量壽閣回軒亭七葉堂客兒亭大悲泉重榮檜葛仙丹井白少傅烹茶井石梁翻經臺望海閣香林亭香林洞無根藤鬪鷄巖夜講堂登嘯亭靈山後塔慈雲戲主榻七寶普賢閣旃檀觀音瑞像有記大抵靈竺之勝周回數

十里巖壑尤美實聚於下天竺寺自飛來
峯轉至寺後諸巖洞皆嵌空玲瓏瑩滑清
潤如虬龍瑞鳳如層華吐萼如皺縠疊浪
穿幽透深不可容貌林木皆自巖骨拔起
不土而生傳言茲巖韞玉故腴潤若此石
間波紋水迹不知何時有之其間唐宋遊
人題名不可殫記覽者顧景興懷云

吳越孝獻世子墓

文穆王子楓林塢

永清寺

薛開府居
正香火

中天竺天寧萬壽永祚禪寺

隋開皇千歲寶掌和尚開山建寺吳越時
名崇壽院政和中改賜今名有摩利支天
像華嚴閣如意泉

彌陀興福教院

皇子充郊
王殯所

顯親多福院

舊名
光福

大明寺

元係興
國菴

上天竺靈感觀音院

天福中建名天竺看經院咸平初賜今名
淳祐中賜廣大靈感觀音教寺舊寺額蔡
襄書後理宗易以御書外山門乃蔡京書
紹興乾道淳熙皆嘗臨幸有十六觀堂應
真閣超諸有海理宗御書有雲漢之閣歲
累朝所賜御書兩峯堂白雲堂中印堂清
華軒延桂閣秋芳閣伴雲閣前後賜珠冠
玉爐珍玩甚多每水旱朝廷必禱焉外古

迹有肅儀亭梅峯菴琮老橋金佛橋復菴
流虹澗夢泉植杖亭謝履亭凝翠泉觀音
泉雲液池孫公亭無竭泉

雙檜峯

白雲峯

乳竇峯

楊梅嶺

郎當嶺

事卷五

